

萬城隄防輯要 卷上





民國五年新鐫

萬城隄防輯要

黃陂徐國彬編輯



## 萬城隄防輯要序

予於甲寅之秋受任為鄧省量吏量吏應治之事無慮千百而必舉其於民生國計尤為切要者汲以圖之既得其要矣而事非量吏所能獨治必擇其才者使專心致志於所事而事乃治然量才受事抑豈易言以為才而試之試之而不效則貽累於知人者尚淺貽誤於民生國計者實深用是凜於履鄂之初凡昔日任事

萬城隄防輯要

卷上

段序

之有成績者不輕移置使得益盡其所長如徐君國祚之於萬城隄工亦其一也萬城隄防二百餘里百萬生靈所託命責任之重無逾於此徐君之任此以其才也試而效則量才授事者有知人之明而予得假手以濟其美今去鄂數月矣每念察察贊助之勞輒低徊不置况隄工尤夙所注意其企望永久之安瀾固無異於在鄂之日而徐君適以所著之萬城隄防輯要



郵示並舉弁言者簡端其編輯之法今日十有  
二名繁以說體例既善而事述亦盡囊括無遺披  
覽再四益歎徐君用心之勤而措施之不易且  
舉累歲之經驗立其規而示其的使後之來者  
鑒及往事不徇一隅之偏見不遺百密之一疏  
使隄防日益鞏固而民間之生計日舒庶不負  
徐君編輯之意也夫民國五年仲秋月前任湖  
北巡按使蕭縣段書雲序

萬城隄防輯要

卷上

段序

二

江陵鄭之彥書





萬城隄防輯要序

登大別山之巔俛瞰川流南國之紀厥惟江漢江水  
宜竹漢水宜稻大利出其中焉有利即有害欲興利  
必先備害後世隄防之設豈得已乎第鄂省流域之  
大支河曲濬未易覩縷而最要者無如江陵之萬城  
隄前清乾隆時隄決橫流衝突下游各城邑蕩析離  
居者何止億萬計嘻酷矣嗣後防護周密狂瀾弗逞  
民命稍甦今萬城隄志并續志諸書具在可考而知

萬城隄防輯要

卷上

序

也雖然今與昔異時高與下異勢利者何以復之損  
者何以益之有治法尤賴有治人斷斷然矣民國肇  
造以還楚北水利經諸君子悉心講求漸臻完善而  
著作無聞焉予自下車以來得識萬城隄總理徐君  
文陔聆其言論挹其丰采稔知為經世才暇日覽其  
所著萬城隄防輯要頗自信賞識之不謬其書於大  
隄數百里之間規時度勢條分縷晰如數螺紋洵治  
隄之寶筏也間嘗讀昔賢水利諸書心竊疑其有未



又何者陳法雖號詳審然或不熟察乎時勢之變遷財力之贏絀刻舟求劍失之太迂必且徼功糜款窮於因付夫以吾民擔負之艱而不求一確定之法不惟後來者無以守即當事者亦無以濟是編於工程而外復拳拳於經費之豫籌與存放之得所勒為專章公之輿論古語云仁人之言其利溥吾於徐總理驗之矣先是江陵人士太息痛憾於前清官治淫威猾蠹侵蝕僉議萬城大隄官督紳辦總理由省公署

遴委協理由地方人公舉意美法良無所偏倚甚盛舉也文陔蒞荆五載矣迭慶安瀾彼都人士相與接虛衷而講實際鴻編毒世百禩不刊津梁後來此其左券行見江漢朝宗如游禹甸有利無害闔澤滂洋豈不懿哉民國五年七月湖北省長范守佑啟



萬城隄防輯要序

荊州之有萬城隄由來舊矣吾邑歲供土費以巨萬計與國稅並輸於官前清道光中隄工始專責郡守其間勤求民瘼實心修築者望江倪公長白舒公而外無聞焉晚清末造防政益弛守土者甚或取民膏以肥私橐能舉其費而用之隄防者十無二三敵扑腹削百弊叢生諮議局與都人士乃臚陳其弊介代議士而上之大府時受煥由東瀛返鄂忝廁法官並力請上峯派員查辦未幾而鄂軍起義其議遂寢改革後府治剷除邑之人怵於官治之淫威及修防之廢弛僉議

萬城隄防輯要

卷上

張序

民隄民辦環求縣議會贊成斯舉而收納土費或議歸縣轅或主歸師部或設局自收眾論紛靡莫衷一是縣議會公推

受煥 晉省稟請於 軍政府今

大總統黎派員監視開議於荊州同鄉會始決定土費納縣署工程責總理總理由省委任復由地方公舉協理以襄助之於是有萬城隄工總局之設此總理 徐文陔先生奉檄來荆之所由昉也伏念先生蒞荆五載于茲矣溯其下車伊始舊籍陳規強半散佚費用無絲毫儲曹司如風雲散而查勘隄工其中剝削傾圯而滲漏者觸目皆是庶務草創當事者幾



於束手先生虛懷若谷悉心諮訪日臨議會與邑人相接洽復集父老探詢而討論之不膠已見不私一人集思廣益下採芻蕘邀士人之熟諳防務者竭跋涉之勞周巡江隄察其衝要相其緩急考隄身之堅瑕辨江流之遷徙閱數月而全隄之情形犁然于胸臆若燭照數計而靡遺因而籌墊借遊員司無一不取鄉人之同意乃本其議而條陳於長官卽小有扞格必婉曲陳說以求其事之底于成載歷五稔剝削者壅培之傾圯者增築之滲漏者堵塞之當衝流則建磯以分其勢遇激湍則拋石以殺其威竭蹶經營於是袤延二百餘

萬城隄防輯要

卷上

張序

二

里之江隄無不屹金城而鞏磐石濱江之民比戶鳩居如登衽席莫不歌頌先生之功德而不知實由其勤慎撫謙輯睦上下始能成此偉業也雯煥初厠身於縣議會嗣被選爲省會議員每有要工輒參末議故與先生覲面之日夥甲寅忝爲局中協理得親炙先生之光儀知先生益悉詣局之初議商減土費增夫價凡所獻替均蒙採納施行又因沙市七里廟之役爭執未決委曲籌商卒竣其工至是益信先生之和氣謙光所謂不膠一已成見者洵不誣已今年夏先生手編五年成績訂爲萬城隄防輯要一書目錄十有二都爲二卷



舉民國以來先生之虛心咨訪博採旁搜所以鞏固斯隄悉  
概括于是編後之人欲遵行先生之書復當效先生之爲人  
實事求是折衷羣言以蠲晚清之積弊以奠荆楚之生靈則  
萬城隄防輯要一書豈僅與望江倪氏長白舒氏兩隄志媲  
美而已哉雯煥親承教澤于是書得爭先快觀因縷述先生  
蒞荆顛末而推原其功之所由成泚筆弁其端以諭後來之  
讀是書者民國五年七月江陵張雯煥拜撰

萬城隄防輯要

卷上

張序

三



萬城隄防輯要

總敘

江陵古稱澤國倚隄爲固而彬所居黃陂山邑相距蓋千餘里於江隄建築之勢防捍之法茫如也民國建元之始奉檄蓋萬城隄工於是有總局之設當是時庶務草創曹司星散昔之所謂官文書者殆什不存一人之乃獲見前荊州守倪文蔚萬城隄志及舒惠續志然距今四十年與二十餘年不等江湍衝刷厥趨靡常形勢之變遷緩急之制裁與當日情事亦稍稍殊異矣綜計是隄上流捍沮漳之水西抵萬城馬

萬城隄防輯要

卷上

總敘

山與當陽枝江爲界下捍江湘各巨漲迤邐達拖茅埠以接監利長踰二百餘里彬之往來上下其閒者無慮百數十番由是舉全隄之利病得以僂指而稽凡號稱要工者庶幾次第施行焉雖然所謂要工亦至無定隄內居人往往各私其所處或勘甲而乙爭或東築而西怨以綿亘數百里之隄經費有程報銷有稽一旦興工大舉畚鍤如雲榘薪相屬期盡當於人人之意不綦難乎主其事者持以兢業酌以經權精白乃心通全局而籌之挾毅力以赴之歲修宜慎而防護尤週支給縱窮而籌備必裕此其中蓋亦不能無法以範圍之



也竊念于役斯隄五載矣幸當軸諸公鑒顧顧之愚與此邦  
人士贊助之雅每有所陳請獲臻實際塵牘日積皆有裨於  
防務適省友以彬受事以來工程槩要見詢局中同事諸君  
爰議輯而刊之夫自古水利之書甚繁夥矣元祕書少監沙  
克什河防通議於修隄之法條目備具顧治河而非治江清  
傅澤洪行水金鑑一書繪圖列說詳及江漢顧不切於荆隄  
之用倪舒二志專爲萬城隄作也迄今視之則有沿而亦有  
革天下事固未可狃成法以自安亦不徒持一說以相濟然  
有法與無法則必有閒矣彬不敏抑豈敢膠執已見舉是編

萬城隄防輯要

卷上

總敘

二

以概括將來惟及今江流趨勢之殊與隄身堅瑕之異皆身  
勘而目驗之曰修築曰防護去陳言而取確當者也曰測勘  
準地勢以施防者也曰禁案慮病隄且遵部令也曰條陳備  
甄采也曰土費重要工應緩急之需也曰章程嚴考核也曰  
獎案廣大府之意也曰職員明所守也附以銜名雜誌終焉  
卷分上下目列十有二民國以來凡所以鞏固斯隄者略具  
是編後之覽者匡其不逮與時通變而賡續之是尤彬之所  
厚望也夫民國五年九月黃陂徐國彬自序



萬城隄防輯要例略

一是編繼望江倪氏長白舒氏兩隄志而作凡已載隄志者概不贅述惟自民國改革以來創設總局改訂章程所有辦理重要事實文件有裨於隄務者悉依類編次以便流覽

一是編各目錄悉繫以括要弁言所輯成案皆擇緊要者全鈔其餘案牘繁曠概從刪減故爲卷二爲目十有二以示提綱挈領之意

一大隄正續隄志圖說及徐稚蓀續刻隄圖繪之甚詳無庸

萬城隄防輯要

卷上

例略

一

爲貂尾之續惟測勘大隄濱江南北岸所載應行禁止挽築地點與江面寬狹河流緩急水泓深淺河底性質另繪一簡明圖說詳細表誌以補前人所未逮

一是編終以銜名雜誌意在凡盡力於斯隄者不沒其姓氏雜誌詩文多關係大隄之作故博取兼收藉資參攷



萬城隍防輯要目錄

卷上

修築城垣

防護撮要

測勘全案

私挽禁案

條陳彙錄

土費改良

卷下

萬城隍防輯要

卷上

目錄

大隄章程

隄警簡章

請獎成案

改編局員

職員銜名

藝文雜誌

圖表附後



萬城隄防輯要卷上

修築撮要

隄防要務修築爲先其修築之方法與利弊前人講求完備載諸堤志歷歷可稽祇以河流之遷徙靡定沙灘之淤墊無常向之險者今化爲夷向之夷者今變爲險治斯堤者斷不可拘成法以相繩也查萬城大堤昔日之險要多在上游今日之險要全在下游今昔之情形不同卽建築之工程互異以故昔之土工多於石工今之石工多於土工緣淤灘南峙水泓北趨因時制宜勢不能不修砌石坡拋護石塊以資抵禦耳爰將已修及萬城隄防輯要

卷上

修築撮要

應修各石工大概情形臚列於左以告來者

一沙局二郎門當沮漳河川河合流之衝民國二年冬修築條石礮岸長八十一丈六尺寬四五丈不等高一丈一尺又修板石坦坡長八十四丈高一丈八九尺及一丈一二尺不等計費錢一萬七千有奇董其役者曹鈞甘霖韓毓蔭賀法前朱黼成諸人沙市紳商因建立石碑以紀其實

一二郎門毗連者爲劉大人巷亦當流水之衝舊有石磯並礮岸二層然地勢太低不足以資抵禦民國三年冬加修礮岸二層長三十六丈一尺寬二三丈不等高九尺零計費錢四





千餘串沙鎮上流從此可無顧慮

一距劉大人巷二百餘丈爲七里廟該處與南岸窖金洲對峙激湍迴旋實爲最險舊有條石砌岸然堤身單薄江水泛漲時居民異常驚恐四五兩年用毛碎石四千餘方拋護填脚加修砌岸長五十二丈二尺寬二丈高二丈有奇計費錢一萬五千餘串董斯役者甘霖汪延祐韓毓蔭賀法前莊先選何芝軒諸人從此全鎮商民恃以無恐因勒諸貞珉以爲紀念

萬城隍防輯要

卷上

修築摘要

二

一登局黃灘堤楊二月柴紀登南四工皆爲險要宜一律修砌石工藉資捍衛然經費有限不能同時並舉因年拋毛碎石數百方或千餘方以資保護

一馬局下游工段皆屬最險冲和觀一二號向有灘脚近已崩至堤邊急宜修砌石坡以資抵禦三四號舊有石磯年久崩甦四年春大加修補並加護毛碎石數百方始免冲刷之患一祁家淵五號日形溜甦然較之雙聖壇周家坑兩工猶爲次險五年以前故祇拋護石塊以爲治標之計

一雙聖壇四五號之間崩甦已逼堤身二年修築之擺石拱石越兩年溜甦淨盡該處水泓深數丈激流冲刷駭目驚心相



度地勢水性非修築條石砌岸不足以資抵禦五年春加護  
毛碎石約二千方庶根脚漸穩俟是年冬晴水涸再行勘估  
施工

一 周家坑四號水泓更深於雙聖壇二年接修之擺石拱石及  
舊有石工至四年春均已崩矧淨盡四年冬估修小石磯一  
座石磯上下復修築擺石拱石脚底翻挖深槽填築三合土  
槽外排釘木椿共長三十四丈五尺高二丈連護脚毛碎石  
二千數百方計費錢五千餘串該處堤身庶幾可臻穩固

一 郝局工段以龍二淵爲最險激流洶湧水泓甚深舊有石磯  
及板石坦坡日久多有損壞歷年逐漸修補完全並多拋毛  
碎石護衛根脚乃不爲急流衝刷而原有石工庶免跌跽之  
患

一 上新塏一帶亦屬最險舊有條石砌岸及板石坦坡因係郝  
穴堤街民房櫛比碍難培厚加高年來惟修整缺壞多拋毛  
碎石以期堤脚鞏固而免意外之虞

一 冉家堤二號崩矧已近堤身二年冬估修擺石三層高一丈  
三尺二寸長二十六丈迭經大汛穩固如常

一 冉家堤四號崩矧亦逼近堤身四年冬估修擺石及斜面拱



石高一丈五尺長三十三丈拋護石脚毛碎石七百餘方計費錢一千九百餘串文

一上熊良五號堤身挺出崩刷非常四年冬估修擺石及斜面拱石脚下翻挖深槽填築三合土槽外排釘木椿共長三十五丈高一丈五尺拋護石脚毛碎石九百餘方計費錢二千四百餘串文

其餘修築改良辦法詳後大堤章程歲修章



防護撮要

防護之法前人言之詳矣無庸贅述惟修築既與時爲變通防護自宜因時而預備大堤向設有堤防營烟夫堤老圩甲民國以來一律裁撤僅存九分局常設員警三十餘名藉資巡邏實未週密若多方佈置經費又慮不敷故於樽節之中仍籌一完全之策現每屆防汛期間加添臨時堤警十七人上下梭巡傳簽報水如遇水勢泛漲之年每工復添雇近堤居民一人幫同梭巡查看俟霜降安瀾時工食卽行停支傳簽之法及防護器具多循照舊章辦理夫法古宜今襲沿舊制鼎新革故斟酌時萬城隄防輯要

卷上

防護撮要

宜後之視今亦猶今之視昔思患預防仍不外因時制宜之意也云

擬定防汛時傳簽報水並搶險辦法

一各局傳簽自陽歷六月起九月止均責成隄警料理

一各局隄警只有額設二名傳簽時恐力有未逮故臨時添雇

二人幫同隄警料理

一萬城僅下傳拖局僅上傳萬拖兩局臨時添雇一人至送報

水單由沙局另雇一人照料

一傳簽限定時刻地點無論上傳下傳均以送至各管工段地



點爲限該局員應各責成堤警往返梭巡無論晴雨不得稍有懈怠致悞要公違者立即開除並從嚴究辦

一各局臨時添雇傳簽之人工食與堤警同自傳簽之日起簽畢卽行停支

一大汎時傳遞夜簽每人每夜給口食錢一百二十文惟登馬郝三局工段較長口食酌加以示鼓勵

一報水公署局所如江陵縣及沙市水陸警察商會等處皆宜知會此外如有駐防荆沙師旅團部亦當報聞藉資協助

一燈籠火把竿笠制備若干分存各局應用至傳夜簽時需用

### 萬城隄防輯要

#### 卷上

##### 防護要

二

牛燭由各局臨時墊給開單送總局核發

一大汎期間所有近堤義務紳耆及居民人等均有身家性命之關係務宜帮同各局委員生警認真防護毋得視為具文

一江水泛漲時萬一有搶險事故卽由該局員紳協同附近水警臨時彈壓督率民夫竭力搶護以保無虞

上段傳簽以江局爲中心點

晝循

早五點半鐘自江局中斗蓬發簽上傳限九點至中獨陽十一點半至李局午後三點至下漁埠頭七點至萬局



早五點半鐘自江局中斗蓬發簽下傳限七點半鐘至下斗蓬  
十點半鐘至沙局午後二點半鐘至橫堤六點半鐘至登局  
晝環

早五點半鐘自萬局發簽下傳限八點半鐘至上漁埠頭十二  
點至李家埠午後二點半至上獨陽六點半至江局  
早五點半鐘自登局起上傳限九點鐘至阮家灣午後一點至  
沙局四點至黑窰廠六點半至江局

夜循

晚七點半鐘自江局起上傳限十點至中獨陽十一點半至李

萬城隍防輯要

卷上

防護撮要

三

局二點至下漁埠頭四點半鐘至萬局

晚七點半鐘自江局起下傳限九點鐘至下斗蓬十一點鐘至  
沙局二點鐘至橫堤四點半鐘至登局

夜環

晚七點半鐘自萬局起下傳限十點二十分至上漁埠頭十二  
點三十分至李局二點鐘至上獨陽四點半鐘至江局

晚七點半鐘自登局起上傳限十點二十分至阮家灣十一點  
三十分至沙局二點五十分至黑窰廠四點三十分至江局  
下段傳簽以郝局為中心點



晝循

早五點半鐘自郝局起上傳限八點三十分至上潭子湖十二點至馬局午後三點至梧桐橋七點至登局

早五點半鐘自郝局起下傳限九點四十分至上雙洲十二點至全局三點至下金果七點至拖局

晝環

早五點半鐘自登局起下傳限九點二十分至范家淵十二點三十分至馬局午後四點至周家坑七點至郝局

早五點半鐘自拖局起上傳限九點三十分至孟家淵十二點

萬城隄防輯要

卷上

防護撮要

四

三十分至全局午後二點五十分至下雙洲七點至郝局

夜循

晚七點半鐘自郝局起上傳限九點半至上潭子湖十一點五十分至馬局二點至梧桐橋四點三十分至登局

晚七點鐘自郝局起下傳限十點至上雙洲十一點五十分至全局二點十分至下金果四點四十分至拖局

夜環

晚七點鐘自登局起下傳限十點至范家淵十二點三十分至馬局二點五十分至周家坑四點四十分至郝局



晚七點鐘自拖局起上傳限九點四十分至上孟家洲十二點  
至金局一點五十分至下雙洲四點五十分至郝局  
其餘一切防護大要詳後大堤章程防護章

萬城隄防輯要

卷上

五

五



測勘全案

治水者貴因勢以利導治隄者尤貴因地以制宜萬城隄長二百餘里皆屬濱江臨河其地勢之險夷河流之緩急水泓之深淺隄面之高低全恃悉心體察而後修防乃得其宜然閉戶造車未能出門合轍專憑理想難得真情是非從事測量不可民國元年冬稟請派委來沙凡關於大隄之荆江一帶靡不切實踏勘詳測無遺爰舉測勘全案都爲一類附以圖表後之從事修防者當知所着手焉

呈請委派專員測勘荆江南北岸疏濬淤洲創設洲隄文○竊

萬城隄防軫要

卷上

測勘全案

一

荆州萬城大隄關係北岸下游十餘州縣生靈財賦田廬責任綦重國彬等奉內務司劄諭轉奉 副總統命令來荆設局

專辦修防事宜疊將辦理情形呈報在案惟國彬等每於督工防險時沿隄巡視體察情形博訪輿評覺大隄安危之所係有非僅恃修防之力者用敢覲縷陳之查閱隄志前清乾嘉間萬城大隄係由督撫輪年親駐隄次督防於巡防時查有阻塞江流之洲隄飭令地方行政官嚴督居民一律創毀迨後奏委知府代防靡不三令五申嚴禁居民私築垵隄同光時代川民鑿土沙礫冲流輪船往來水泓改道江心愈填愈高江面愈淤愈



江北兩岸幾於無段無洲無洲無垸私築之垸堤既多大堤之危險愈甚然尙畏地方官之查辦已築者輒令平毀未築者不敢私修自軍興以來居民遷徙行政無權不法小民遂勾引外來勾棍乘機私築阻塞江流肆無忌憚卽如蕭子淵口之堵塞是其明徵若非仰仗

副總統德威幾乎釀成巨案蕭子淵之事甫經了結又有江陵虎渡東鄉及公安橫堤各處於前清不准修復之舊堤外私築洲堤佔江面三四里棉長約共百餘里經屬局調查親勘會同江陵縣知事暨上級自治會議決令其自行創毀該處居民堅不承認嗣邀請該汛紳首曉以大

### 萬城隄防輯要

#### 卷上

測勘全案

二

義繩以公理始允派夫督同前往於最低處創毀三口然屬局甫經創毀而該處居民旋復堵築一隅私挽效尤者接踵而來鞭長莫及防不勝防然屬局所慮猶不止此竊思水道變易今昔之地勢不同淤洲日寬河流日狹江水盛漲危險異常若不及早設法維持竊恐與水爭地進佔不已數十年後其害有不堪設想者欲爲久遠計必須疏濬淤洲多開口門以殺水勢北岸大堤方可永保淤洲尙宜疏濬洲堤何得私築然非特派專員沿江測勘勒碑立案終不足以杜後患而息爭端前清光緒時督署曾委專員暨測繪生測勘荆江南北兩岸不准私挽洲



堤有案可稽現因民國成立政尙共和所有前清奏案民間已  
視爲敝帚屬局再四籌思惟有呈懇遴委熟習堤務之專員暨  
測繪生一二人沿江履勘將南北兩岸勘明何處可修築何處  
宜禁止凡有阻塞江流妨礙大堤之淤洲私垵責成地方官一  
律疏通剷毀出示刊碑永爲民國鐵案庶民間可無爭競大堤  
永保無虞國彬等爲慎重堤防起見管蠡之測是否有當伏乞  
鈞裁○奉都督批呈悉據稱保護隄防嚴禁私垵各節深合機  
宜其如何辦理之處既經呈明民政府仰並候民政長核議飭  
遵可也○奉內務司批呈悉萬城大堤保障十餘縣生靈財賦

萬城隄防輯要

卷上

測勘全案

二

關係至爲重要該處居民乃於南北兩岸淤洲擅築私垵阻遏  
江流殊增隱患亟應遴派專員會同該總局暨縣知事沿堤兩  
岸確實履勘其有妨害該堤之私垵應行剷毀及淤洲應行禁  
止修築之處逐一指定呈覆以憑核辦由司轉呈民政府請示  
立案勒碑永禁可也○奉民政長批查萬城大堤爲十餘縣賦  
命保障利害關係極鉅護持之方應從疏暢江流着手修防不  
過治標之一端所呈委員履勘測繪各節事實理論均屬正大  
洵一勞永逸要圖惟肇端甚大未可輕率從事仰內務司併入  
前擬堤工水利局案詳加核議妥籌辦法呈候核奪并飭該局



此批

丙務司派委胡劉二員測勘飭知文○案據該總理呈稱荊州沿江居民私築懸飭專員沿江測勘勒碑立案以杜後患而息爭端等情前來除批云云見前等因印發外茲查有胡丙鈞劉士道諳悉水利堪以委派前往測勘合亟諭飭論到該總理卽便遵照迅速會同委員暨江陵知事前往沿江兩岸確實測勘其有妨害官堤應行創毀及淤洲應禁私築之處逐一指定會同呈覆以便轉呈請示核辦

呈會同測勘荆江兩岸形勢宜平毀洲堤嚴禁私挽文○竊國

萬城隄防輯要

卷上

測勘全案

四

彬寶琅前以荊州大江南北兩岸私築垸堤阻塞江流關係於萬城大堤甚鉅非由鈞司特派專員沿江測勘勒碑立案不足以杜後患而息爭端備文呈請鈞司賞派專員暨測繪生沿江測勘等情一案奉批云云見前當蒙諭派丙鈞士道前往會同確實查勘遵卽束裝起程馳赴沙市會晤堤工總理徐國彬協理龔寶琅暨縣知事黃炳言於十月二十日會同測勘江南岸江陵虎東汎禹王宮右首邵家碼頭堤面高現時水平面二丈一尺地平面距現時水平面一丈六尺九寸邵家碼頭下接蟠林洲長約十五里老堤距江岸寬約三四里五六里不等地平



面高現時水平面二丈三尺且江心現有數小沙洲水漲時急  
溜南趨南岸老堤頗受危險對面北岸爲江神廟楊林洲大堤  
堤面高現在水平面二丈五尺九寸七分堤內地平面距堤面  
三丈八尺八寸七分低現時水平面一丈二尺九以元年水高  
楊林洲石磯一丈計算水高堤內地平面三丈二尺以現時水  
平面比較南岸地面高於北岸地面二丈一尺九寸北岸大堤  
高於南岸大堤四尺九寸七分此江神廟楊林磯與蠟林洲兩  
岸之大概也江神廟下爲寶塔河堤面高現在水平面二丈八  
尺七寸九分堤內地平面距堤面三丈五尺四寸一分低現在水

平面六尺六寸二分對面南岸爲響金洲捷峙江心內有小河  
套洲寬約四五里五六里不等長約十里餘地平面高現在水  
平面一丈九尺洲有私堤高約四尺許該處江面寬僅一里七  
分以本年水大時計算水高北岸堤內地平面二丈四尺六寸兩  
相比較南岸地面高於北岸地面二丈五尺六寸北岸大堤高  
於南岸洲堤五尺七寸此響金洲與寶塔河兩岸之大概也響  
金洲之內有逸西洲其下有姪兜洲小江洲上江洲雷家洲魏  
家洲伍家渡趙家河等處蟬接毗連距老堤二三里三四里不  
等堤高現在水平面一丈八尺九寸地平面距現在水平面一



丈四尺四寸該處上自迤西洲起下至趙家河止統名之曰江  
心洲綿長六十里築有私堤阻遏江流今年水漲時僅創毀三  
小口且好兒洲上江洲外兩處現有數小沙洲若再淤高淤寬  
甚爲可慮對面北岸大堤爲沙市洋碼頭下至柴紀登南等處  
沙市堤面距現時水平面二丈八尺二寸堤內地平面距堤面  
二丈七尺六寸一分高現時水平面四寸五分以本年水大時計算  
水高堤內地平面一丈八尺該處江面寬僅一里八分登南堤  
面距現時水平面三丈一尺堤內地平面距堤面三丈三尺二  
寸低現時水平面二尺二寸登南江面寬僅二里以本年水大

萬城隄防輯要

卷上

湖湖全案

六

時計算水高堤內地平面二丈零二寸兩相比較沙市地面低  
於南岸地面一丈二尺三寸一分堤面高於南岸堤面九尺三  
寸登南地面低於南岸地面一丈四尺三寸堤面高於南岸堤  
面一丈二尺一寸此南岸江心洲各處及北岸沙市登南各處  
地勢高低之大概也北岸登南下爲長樂堤岳家嘴等處堤面  
距現在水平面三丈一尺九寸一分堤內地平面距現在水平  
面三丈四尺六寸低現在水平面二尺五寸五分以本年水大時計  
算水高堤內地面二丈零五寸對面南岸爲楊家潭堤面距現  
在水平面二丈二尺五寸三分地平面距現在水平面一丈七



尺五寸兩相比較北岸地面低於南岸地面一丈七尺一寸北岸堤面高於南岸堤面八尺四寸七分該處江心有突起洲綿長十餘里寬約七八里南岸楊家潭外現有小沙洲二處阻遏江流此北岸長樂堤岳家嘴各處與南岸楊家潭上下各處之大概也北岸岳家嘴以下至馬家寨約十六七里許外有青安洲二聖洲寬約二三里三四里不等均築有私堤二聖洲外現日淤寬與江南岸陡湖堤對峙江面寬僅二里其水直射南岸公安之楊公大堤此北岸馬家寨以上各處與南岸陡湖堤上下各處之大概也馬家寨下爲郝家洲雙聖壇該處堤面距現

萬城隄防輯要

卷上

測勘全案

七

在水平面二丈七尺二寸五分堤內地平面距堤面三丈五尺三寸七分低現時水平面八尺一寸二分以本年水大時計算水高堤內地面二丈六尺一寸二分馬家寨冲和觀對面之南岸有新淤洲白沙洲二處地平面距水平面約一丈七尺餘比較北岸地面高一丈八尺三寸此北岸郝家洲雙聖壇各處及南岸公安所屬新淤洲白沙洲各處之大概也雙聖壇以下至郝穴上新堤下新堤一帶江面極窄處僅一里三分堤面距現在水平面二丈八尺三寸五分堤內地平面距水平面三丈四尺零五分低現在水平面五尺七寸郝局龍二洲對面之南岸



有新泥洲地平面距現時水平面一丈八尺二寸比較北岸地  
面高二丈三尺九寸以本年水大時計算水高北岸堤內地面  
二丈三尺七寸南岸新泥洲內有私垵寬里許私垵外淤洲日  
高日寬與北岸郝穴磯頭對峙此北岸郝穴上下各處及對面  
南岸新泥洲之大概也郝穴下二十餘里爲金果局石首南堤  
堤面距現時水平面二丈三尺七寸八分堤內地平面距堤面  
二丈四尺二寸七分低現時水平面四寸九分以本年水大時  
計算水高堤內地平面一丈六尺四寸九分堤外有洲長約四  
十里餘寬約四五里八九里不等該洲地平面距水平面一丈

萬城隄防輯要

卷上

測勘全案

八

八尺五寸九分高於大堤內地面一丈九尺零七分自下熊良  
工起至下孟家洲止計長三十餘里均築私垵大水時亦阻遏  
江流石首南堤對面爲蕭子淵口亦名消滯淵寬三十一丈餘  
係江水分銷之處上由此口下至監利流水溝入江水漲時泛  
溢蕭子淵河兩岸藉資消洩此金果局大堤內地及外邊洲地  
蕭子淵等處之大概也金果下爲拖茅大堤與監利大堤接壤  
堤面高處距現在水平面一丈六尺五寸低處距現在水平面  
一丈四尺三寸堤內地平面距堤面二丈五尺二寸低現在水  
平面八尺七寸以本年水大時計算水高堤內地面二丈二尺



七寸由永定堤至拖茅埠堤外爲朱陽湖卽清將軍馬廠湘人及石首北鄉人疊次稟懇修築之護堤垸是也測得該處洲頭地面距現在水面平一丈零一寸四分距大堤堤面高處六尺一寸八分低處僅四尺一寸八分若如湘人石首人所請低大堤八尺修垸則此湖地面淤高距堤面僅五六尺三四尺不等應行疏通萬不能修築此拖茅埠大堤各處及朱陽湖洲地之大概也就以上比較兩岸情形而論是南岸淤墊日高已佔天然地勢卽無堤埝可資捍衛北岸地形窪下僅恃一線大堤爲數縣億萬生靈所託命南強北弱不待辯而自明矣總之荆江

萬城隄防輯要

卷上

測勘全案

九

南北岸均有大堤大堤之外多有淤洲治堤者當相地勢之高下權利害之輕重通籌全局不可拘守一隅綜全體大勢切實測勘其中利害可爲鈞司縷陳之蓋荆江河至太平口下與沮漳河水交匯於沙市上游該處上有蜡林洲下有窖金洲阻遏江心若非禁止蜡林洲之私挽平毀窖金洲之私垸則急溜北射沙市古月堤一帶極爲可危古月堤下對面南岸奴兒洲至魏家洲等處洲地日淤日寬流水直射北岸柴紀登南各處均爲可慮此南岸奴兒洲至趙家河數十里之私堤所以宜一律平毀也登南長樂堤以下馬家寨以上突起洲挺峙江心青安



洲二聖洲綿亘於北楊家潭上下數小沙洲淤墊於南大水泛漲南岸之楊家潭北岸之長樂堤均極危險此突起洲之所以宜禁止私挽青安洲二聖洲之私垸所以宜平毀也公安尖洲日向南淤南岸楊公堤當突起洲南北合流之衝亦屬危險此洲頭尤宜禁止私挽馬家寨下對面南岸新淤洲白沙洲日向北淤若不禁私挽則急流北射北岸之郝家洲雙聖壇均極可危郝穴龍二洲對岸之新泥洲亦日向北淤若不禁私築則洪濤直射郝穴北岸之上新墩下新墩大有妨礙金果堤以下至拖茅埠蕭子淵河內外洲地長寬四五十里大水盛漲時

萬城隄防輯要

卷上

測勘全案

十

上游之太平口寶塔河以下郝穴以上節節淤洲阻塞江面窄處寬僅一里餘及二里不等下游之藕池口因洞庭湖日漸淤高每逢湘水大漲轉由此口倒灌於荆江全賴蕭子淵河內外洲地爲消洩江水之區本年水高楊林洲石磯一丈時拖茅埠大堤水痕低於沙市上游三四尺不等誠以該處面積甚寬容量甚廣百餘年此堤得慶安瀾者恃有此蕭子淵內外洲地能消水耳設使蕭子淵內外洲地概挽私垸則夏秋水漲消路不暢不獨郝穴上游一帶南北岸均受危險卽下游南岸石首亦大有妨礙此蕭子淵內外洲地已築私垸者所以宜平毀未築



私埭者所以宜禁止也故自寶塔河以下至蕭子淵拖茅埠止綿長近二百里測勘大勢凡南北岸老堤外之淤洲均係逼窄江面阻遏江流爲一勞永逸之圖非疏濬支河排決淤洲不可第所費不貲一時力難辦到惟有於已築之私埭飭令平毀未築之淤洲嚴禁私挽防患未然是亦保固大堤之一策也所有遵諭會同履勘荊州南北兩岸江堤測量江面之寬狹形勢之高低以及堤外洲堤已築者宜卽創毀未築者禁止興修各緣由里合逐一指定地點繪圖立說具文會呈鈞司俯賜查核轉呈民政長批示祇遵 奉內務司批據呈及繪圖均悉該印委

萬城隄防輯要

卷上

測勘全案

十一

等測勘該堤南北兩岸情形按之所呈圖說於江面之寬狹地勢之高低均能縷晰條分瞭如指掌呈內所稱治堤者當權衡利害之輕重通籌全局不可拘守一隅尤爲中肯之論所有指定私埭應行創毀及淤洲應行禁築各處自係確切不移惟查各處私埭均係久經挽築勢難遽令概行創毀已由司酌擬通融辦法呈請民政長核示應俟奉批後另檄飭遵至該委員胡丙鈞等勘辦此案往返奔馳不憚勞瘁其調查情形亦極爲詳晰尤徵辦事精細深堪嘉許應將該員胡丙鈞劉士道均酌予記大功一次飭科註冊以示獎勵仰該局總協理轉移江陵縣



暨胡委員等知悉

奉內務司轉呈民政長酌定辦法並民政長批示文 案查前奉民政長批云云 見前 等因當即由司遴委諳習水利之胡丙鈞劉士道兩員馳往勘辦茲據該委員胡丙鈞等會同江陵縣知事黃炳言萬城堤工局總理徐國彬協理龔寶瓊呈稱遵即前往會同測量江南岸云云 見前 等情前來職司覆查該員等測勘該堤南北岸情形按之所呈圖說於江面之寬狹地勢之高低均縷晰條分瞭如指掌呈內所稱治堤者當權衡利害之輕重通籌全局不可拘守一隅尤爲切中肯綮之論所有指定

萬城隄防輯要

卷上

測勘全案

十二

私堤應行平毀及淤洲應行禁築各處自係確切不移惟民間已築私堤如窖金江心青安二聖等洲以及新洲並蕭子淵內外洲地等處均係久經挽築生命財產託賴於此亦既有年若遽令概行平毀勢必挾全力以相抵抗難保不別起風潮自不得不揆理準情通融酌辦職司詳加審核擬令該堤兩岸所有已築私堤嗣後如有被淹坍潰即不准再行修復平時亦不得私自加修以期漸次消毀其未築之淤洲併即一律嚴禁私挽庶江流不虞阻遏而堤防足賴保全是否有當理合照繪圖說具文呈請民政長俯賜鑒核如蒙批示允准即行轉飭江陵等



縣暨萬城堤工局遵照嚴切出示勒碑永禁以杜後患而息爭  
端奉民政長批查核轉呈該印委等測勘荊州大堤南北兩  
岸情形甚屬詳盡所擬該堤兩岸已築私垵嗣後不准修復或  
私自加修及未築淤洲一律嚴禁私挽各辦法於明示限制之  
中仍寓體恤民艱之意籌畫尤屬允協應准轉飭江陵等縣暨  
萬城堤工局遵照嚴切出示勒碑永禁以重堤防至呈內所舉  
測勘金果堤以下至拖茅埠蕭子淵河內外洲地實爲消洩江  
水之區亟應嚴禁挽修仰卽查照前批飭該司擬辦石首縣  
護堤垵夏海濤等稟請飭縣扞分一案迅速轉行遵照爲要此

萬城隄防輯要

卷上

測勘全案

十三

繳等因奉此除分行外合亟繪圖抄呈諭飭論到該局卽便會  
同江監公石四縣遵照呈定辦法嚴切出示刊碑永禁以重堤  
防並由各縣抄錄全案照繪圖說照送各該縣議事會一體查  
照仍將遵辦情形抄錄示稿會呈查核暨由該局分移胡劉兩  
員知照

出示刊碑文 照得荆江自沙市以下當川江及沮漳河諸水  
之衝北岸萬城大堤爲下游十數州縣保障關係極爲重大比  
年堤外淤洲日寬居民希圖私挽一值盛漲水無所洩大堤岌  
岌可危現奉內務司諭飭奉民政長批據本司呈據測量荊州



萬城大堤云云見前等因查荆江南北兩岸類皆以堤爲命南岸淤高北岸愈形薄弱茲測量南岸地平面高於北岸地平面一丈八九二丈二三二丈五六尺不等以水大時計算水面高於北岸堤內地面二丈八九尺或三丈有餘推原其故緣荆江上下數百里節節沙洲橫梗江心南北岸老堤之外淤洲日益寬厚江面窄處僅一二里若再聽其修築私堤則秋夏水漲無地消洩急溜奔趨不惟北岸大堤異常危險卽南岸亦大有妨礙倘不申明禁令何以固官堤而暢江流合行出示永禁爲此示仰南北兩岸居民人等知悉自示之後所有荆江南岸之窰

萬城隄防輯要

卷上

測勘全案

十四

金洲江心洲新淤洲新泥洲北岸之突起洲青安洲二聖洲以及蕭子淵內外洲地各處之私窰有礙江流者應遵照民政長批飭嗣後不准修復或私自加修及未築淤洲一律嚴禁私挽他若馬廠湖灘雖經納課亦不得徇一面之利藉端要求加築塍梗而阻消洩倘有不遵禁令故意抗違定卽拿案重辦決不姑寬除遵民政長批示取具切結外凡軍民人等須知此係爲億萬生命田產起見事在必行其各凜遵毋違

元年十月











私挽禁案

兩利相權取其重者兩害相權取其輕者利害之間自應熟權輕重蓋江面多一私垵即少一容水之區河身日窄水勢日高萬一汎漲頻臨消洩不暢官堤一有潰溢貽害曷可勝言與其貪私垵一隅之利不若謀大堤千里之安故凡挽築私垵有碍大堤者必一一垂爲厲禁成案具在按籍以稽焉可耳

呈明履勘蕭子淵築口危險請派兵創毀文 竊國彬等奉委專辦萬城大堤修防事宜曾將開局啟用關防日期具文呈報在案伏查萬城大堤爲荆郡及下游各屬民田廬舍保障關係

萬城隄防輯要

卷上

私挽禁案

匪輕國彬等接事後即據江陵議會暨地方紳耆僉以蕭子淵亦名消滯淵即江水分消之處一經堵築則萬城大堤立見危險並云倡修之王輔廷查係向不安分專恃霸荒築垵漁利以鄰爲壑曾爲湖南所不容逃之公安又經驅逐復至石首煽惑石邑北鄉士民乘去歲大局紛爭之際朦稟魯知事興工堵築力請履勘創毀庶大堤鞏固賦命兩全各等情前來細考荆郡堤至前清乾隆年間荆南道來任內曾有人堵築蕭子淵口經江監石三縣紳士稟請出示創毀刊勒石碑永爲鉄案嗣後迭次稟懇修築均經前清督撫委員詣勘批飭永遠不准堵築各



在案國彬等旋於赴堤復估各局工段時遴派在堤年久熟習  
堤工之曹委員鈞隨同前往逐細履勘並相度江流緩急各形  
勢查蕭子淵之淤洲挺峙江心自金果局堤外洲頭之口名蕭  
子淵迤邐附堤而下至拖茅埠洲尾出口長約四十餘里寬約  
里許及二三里不等彼處江面亦不過四五里之寬是該洲已  
淤佔江面三分之二向之嚴禁堵築者實爲受水濬流起見今  
王輔廷等將洲頭蕭子淵口堵築則江面僅存三分之一洩水  
泓道愈窄激流阻遏上溢大汎泛漲則郝穴馬家寨等處大受  
影響蓋彼處堤身素稱險要內臨深潭外無餘地輪船鼓浪汕

萬城隄防輯要

卷上

私挽禁案

二

刷堪虞每年歲修全賴碎石護脚以資抵禦若一旦激流上溢  
豈能與水爭勢此蕭子淵以上大堤受害之實在情形也太汎  
泛漲時洪流澎湃由北迂繞南行順石首南岸而下復由南轉  
折而北直射監利之堤頭與上車灣等處此下游殃及監邑堤  
身之實在情形也設使萬城大堤有潰決之虞則江監潛沔及  
下游各縣均爲澤國關係之大莫此爲甚今王輔廷等堵築蕭  
子淵口不過欲收萬餘畝荒洲之利益請以江監潛沔及下游  
各縣生命財產田廬賦稅較之豈止天壤相殊似不能謀此小  
利而遺害大局國彬等身負萬城大堤責任考之志乘博訪輿



論證以洲堤水性各形勢實屬關係重大萬不能聽其堵築致  
遺巨患理合將履勘蕭子淵築口與大堤下游各屬賦命攸關  
實在情形並志載前清荆南道來出示禁築蕭子淵口原文及  
大堤簡明圖說一紙一併繕摺據實呈請鑒核查該處聚眾干  
人每逢印委履勘陽爲乞憐保全陰實抵抗觀望務懇一面諭  
飭該縣知事設法解散一面諭飭荆宜司令部選派兵隊會同  
江石兩縣勒令創毀洵屬萬城大堤及下游各屬生靈莫大之  
幸福管見所及是否有當伏候批示祇遵 奉內務司電 黃  
知事與徐總理各稟均悉已呈請副總統電飭荆宜司令部迅

萬城隄防輯要

卷上

私挽禁案

三

速派兵創毀嚴琴王輔廷從重懲辦務獲毋縱在案魯知事迭  
經本司電飭曉諭何以迄今並無隻字呈復殊深詫異其中有  
無扶隱徇庇情弊仰速明白具覆毋再宕延致干查究夏海濤  
稟請扞分田畝既係蕭子淵口內距離四十餘里之朱陽湖實  
卽從前藉以分消江水之處應卽停止勘扞及升科以杜將來  
藉口國賦民生加高堅築堤與堵築蕭子淵劉家溝拖茅埠  
各口之據仰卽遵電認真辦理勿稍朦混同干未便並俟電到  
卽由江石兩縣知事嚴密協琴王輔廷先行電覆候示慎毋疏  
忽致任漏網是爲至要



內務司飭令 案據撤任石首縣魯知事稟稱本年六月二號奉司長諭奉 副總統批示飭令知事移往蕭子淵口會同江陵黃知事暨第七鎮調撥營兵妥慎辦理設法遣散創毀並緝挈王輔廷務獲毋縱總期寬嚴適中彌患無形不得遇事操切釀成巨案等因奉此知事當即親詣蕭子淵口傳集各垸紳首切實開導並赴各垸演說曉以大義該鄉人民均願自行創毀隨出具甘保結附卷並由第七鎮統制率帶軍隊同黃知事暨堤工徐總理到口開工創毀協力彈壓知事親駐堤工招夫二百餘名督令開創僅一晝夜之間將該口創毀盡淨水道業

萬城隄防輯要

卷上

私挽禁案

四

已通利昨經電請 副總統派委查勘在案此次知事謹遵鈞諭寬嚴適中以期弭患無形今幸口工挖毀地方靜謐堪慰厯系至倡議築口之首士魯封侯王輔廷現均聞風潛逃除飭嚴密查緝務獲訊明請示辦理外合將此案詳細情形縷晰稟陳司長俯賜查核批示祇遵等情據此除批稟悉據稱王輔廷等私築蕭子淵口業由該知事遵諭督夫創毀盡淨是否屬實應由該知事出具實已遵諭督率創毀盡淨切實印結並仍遵前諭移會江陵知事協挈王輔廷等到案重辦務獲毋縱暨會銜出示曉諭永遠禁築以杜覬覦而免後患即將辦理情形分



別呈報備核等因印發外合亟諭飭諭到該總理查照

元年六月

湖北行政公署訓令 內務司案呈二年十二月二十二日奉  
內務部指令內開據呈稱黃岡壽昌大冶等縣紳民呈請建築  
樊口堤閘又湖南客民王輔廷等堵塞蕭子淵口私築堤垸並  
敢糾集人眾以圖抵抗當經咨請軍政府派軍隊前往駐守彈  
壓並委員確切勘明爲維持全省水道起見斷不能任奸民專  
顧一偶貽害全局現在業已分別平毀取銷一律嚴禁特恐各  
該屬人民但便私圖不顧公益仍復狡焉思逞再起競爭一面  
令由各該縣知事嚴切佈告刊勒碑石永遠禁止以杜患萌等

萬城隄防輯要

卷上

私挽禁案

五

因到部本部查鄂省壽昌縣之樊口嘉魚縣之韓家磯石首縣  
之蕭子淵天門縣之獅子口潛江縣之大澤口等處均經前清  
歷任長官嚴切禁止堵築並奏明永遠遵守在案今該省黃岡  
各縣人民擅築堤工妨遏江漢二水經流實屬專圖私利貽害  
全局該民政長督飭挖毀並請軍隊駐紮彈壓辦法甚妥所請  
勒石永禁一層亦切實可行應卽照准除由本部函知農林部  
備案外爲此令行該民政長迅卽飭屬認真辦法以重宣防而  
弭隱患等因奉此查本署呈 部立案永禁堵築私挽係指關  
係江流之樊口韓家磯禹觀山蕭子淵護堤垸卽朱陽湖並濱



江萬城大堤之南北兩岸淤洲及關係漢水支河之大澤口卽吳家改口各等處茲奉 部令內列地點如武昌縣之禹觀山石首縣之護堤垸卽朱陽湖江陵縣之萬城大堤南北兩岸淤洲均漏未叙及所列天門縣之獅子口早經堵築亦非現請禁堵之處恐有錯誤全案既經核准除分別令飭遵辦一面呈明內務部請予更正外合亟抄發本署原呈令仰該局總協理遵照迅卽按照呈內所指應禁堵築私挽之處嚴切佈告勒石永禁以杜患萌仍將遵辦情形具報查考 二年十二月 日

民政長呈內務部原文 內務司案呈竊查鄂省水道以江漢

萬城隄防輯要

卷上

私挽禁築

六

爲二大經流江水自宜昌以下東盡鄂境雖兩岸堤埝綿亘而江面寬紆又有支流分洩足以殺水勢而減漲率且自太平藕池口潰荆宜一帶之水直達洞庭而向爲輸納江流緊要門戶如壽昌縣屬之樊口嘉魚縣屬之韓家磯及與藕池口並重之石首縣屬蕭子淵等處均經前清歷任各督撫嚴切禁築後數十年來無敢倡言堵口者以故消暢路寬而江水不致橫溢爲患漢水則自鄖襄至鍾祥以下經五六百里平地始出漢口節節皆以長堤束縛天門屬之獅子口潛江屬之大澤口卽吳家改口舊爲漢水兩大支河厥後獅子口築僅止吳家改口一道



分洩襄流經江監沔各縣境達於漢陽屬之沌口新灘口入江  
賴以殺漢水建瓴直瀉之勢前清時江潛監沔等屬人民屢圖  
堵築該口糾眾釀禍迭經各任督撫嚴拏懲辦奏明示禁並於  
光緒三十四年經陳前督派委大員督同府縣及各屬紳首議  
訂善後辦法七條咨部立案永遠遵守良以此口一堵則漢水  
更無可以消洩之處襄南北十數縣之人民均受其害而關係  
大局實非淺鮮也及自反正以後沿江沿漢各屬人民僉以爲  
檔卷散失無可稽考或朦混陳請或恃強堵築訟爭競起枝節  
橫生兩年之中幾於層見疊出如黃岡壽昌大冶武昌等縣紳

萬城隄防輯要

卷上

私挽禁案

七

民堅請建築樊口堤閘一案發生之時鄂省軍民尙未分治由  
都督府批准委員督辦集費興工堤甫告竣旋卽潰決耗款甚  
巨本年仍派原委接續辦理又復旋修旋潰且以各屬紳首担  
任工費虛懸無着徒滋糾葛迄無成功業經由署咨請軍政府  
核復取消前准建築之案仍飭永遠嚴禁堵口矣又嘉魚縣民  
劉蘭亭等集眾強築韓家磯堤壘一案迭據咸蒲等縣知事及  
各該縣紳民電稟力爭當卽嚴飭創毀一面派員會勘以韓家  
磯歷經禁築改議于武昌縣屬之禹觀山建閘復經迭次委員  
會同各縣勘復由司核明禹觀山爲江流內輪第一重門戶一



經堵塞則外江漲流速率倍加下游一帶堤防必呈特別險象  
實未便圖一區之利而貽數縣之害應仍不准其建築呈署令  
飭取銷乃該縣民等竟敢先於禹觀山施工訂樁復仍強築韓  
家磯堤並有聚眾擾商情事迭經咨請軍政府先後派添軍隊  
暨飭水警廳派撥砲船馳往會縣妥爲解散一律平毀具報仍  
飭嚴拏爲首務獲究辦矣又湖南客民王輔廷等堵塞蕭子淵  
口私築堤垸一案據荆郡治安會函轉據石江兩縣人士報告  
暨據江潛監沔川陽六縣士民稟控弁據萬城堤工局總理徐  
國彬呈稱堵塞該口實足妨害江堤先後電檄飭毀並經委員  
萬城隄防輯要

卷上

私挽築案

八

勘辦乃王輔廷等聚眾抗拒幾致釀成巨禍亦已由軍政府飭  
派炮船會同萬城堤局馳往創毀具報並仍飭縣從嚴拿究矣  
至湖南客民夏海濤等在石首縣挽築護堤垸工經江陵縣拖  
茅埠人民羣起爭阻前清宣統元二年間已紛紛控訴兩次派  
委勘查迄未定案上年復據夏海濤等以墊款築垸呈請飭委  
并分荒畝先後派員會縣查勘復司核明以護堤垸卽朱陽湖  
雖距蕭子淵四十餘里而接壤之處與萬城堤脚緊連若經挽  
修非特爲拖茅埠之所必爭且江水不能下洩堤防實形危險  
亦與王輔廷等修築蕭子淵口名異實同應飭迅停垸工並不



淮杆分荒畝呈請批准轉行遵照嗣又據萬城堤局總理徐國彬以該處居民率於南北兩岸淤洲挽築私垸阻遏江流於該堤大有妨碍呈經由司派員會同縣局測勘指定私垸應行平毀及淤洲應行築築各處復司核議以民間已築私垸如響金江心青安二聖等洲以及新洲並蕭子淵內外洲地等處均係久經挽築生命財產托賴於此亦既有年未便遽令概行平毀應飭嗣後如有被淹坍塌卽不准再行修復平時亦不得私自加修其未築之淤洲並卽一律嚴禁私挽呈由本署核准分飭江監公石四縣暨該堤局會街出示勒石永禁此又因蕭子淵

萬城隄防輯要

卷上

私挽禁築

九

事而連類發生委勘定案者而其風潮之最爲激烈者則莫如本年三四月間沔人陳炳坤等倡謀堵築吳家改口一案其始僞張告示徧發傳單訂期開工集眾且以千計經各縣知事及議參等會並各屬商民人等合力爭阻情勢危極文電紛來當經請由軍政府先後派添軍隊並委員會縣禁阻解散創毀具報乃事未及月該沔人又復糾合人眾仍圖堵塞該口並敢假黎蔡二師長之名肆行鼓動致襄北眾情洶湧咸竭力以圖抵制接據各電又經請派重兵妥爲彈壓迨該潛江縣知事會同軍警前往勸導而堵築人等猶敢聚眾圍燒知事駐紮之彭公



祠屋刃傷排長搶失槍械勢甚兇橫經軍警極力嚴防人夫始各走散復又咨請軍政府飭令原派軍隊卽在該處久駐防守藉資鎮懾以免軍退復來一面催飭各縣查明爲首嚴拿務獲重辦數月以來雖尙相安無事然目前且又有沔潛江監等縣人民赴署呈懇委勘興築者蓋其覬覦之心固仍未嘗一日忘也本署竊維治水之法主於因勢利導與水爭地本向例所必禁以鄰爲壑尤公理所不容綜計以上各案如關係江流之樊口韓家磯禹觀山蕭子淵護堤垸卽朱陽湖並濱江萬城大堤之南北兩岸淤洲及關係漢水支流之大澤口卽吳家改口各

萬城隄防輯要

卷上

私挽禁案

十

等處或爲前清時歷經禁堵有案或爲現時派委勘明萬難准其堵築聽其私挽要皆維持水利決不敢專顧一隅貽害全局現在雖已分別平毀取銷一律嚴禁特恐各該屬人民之便私圖而忘公益者仍復狡焉思逞再起競爭則此後之隱憂方大思維再四惟有彙案呈請 鈞部俯賜核明准予一併立案所有以上不准堵築及私挽各處均由各該縣知事分別嚴切佈告刊勒碑石永遠禁止保全大局杜遏患萌實於國賦民生兩有裨補爲此鈔錄各案縷呈 鈞部鑒核指示飭遵施行

湖北行政公署指令 內務司案呈本署前將關係江襄二流



應禁堵築私挽各處彙案呈請 內務部核明立案勒石永禁  
一案經奉 部令核准當即分飭遵辦並以令內所列地點恐  
有錯漏一面據實呈 部請予更正去後茲於一月二十一奉  
內務部令開呈悉前鄂省呈請永禁堵築私挽一案當即照准  
令飭該省飭屬認真辦理去後惟全案所指如關係江流壽昌  
縣之樊口嘉魚縣之韓家磯武昌縣之禹觀山石首縣之蕭子  
淵及護堤垸卽朱陽湖並江陵縣之濱江萬城大堤南北兩岸  
淤洲及關係漢水支流潛江縣之大澤口卽吳家改口各等處  
前令未經一一列舉應卽准予隨案更正至天門縣之獅子口

萬城隄防輯要

卷上

私挽禁案

十一

地方既據申明並非禁堵之處亦應一併摘除以清界限除由  
本部函知農商部合再行知該民政長轉飭各該縣知事及萬  
城堤工局按照上開應禁堵築私挽各地點嚴切佈告勒石永  
禁俾暢水道而杜患萌等因到署除分行外合亟令仰該局總  
協理卽便遵照先今令飭按照上開應禁堵築私挽各地點嚴  
切佈告勒石永禁具報查考毋違再本署前次呈 部立案文  
內以天門縣屬之獅子口爲襄水支河援引偶誤前據天門縣  
駐省同鄉會長胡子明等呈請更正業經批示准予更正其文  
曰潛江縣屬之大澤口卽吳家改口暨小澤口舊爲漢水兩大



支河厥後小澤口築僅止吳家改口一道水洩襄流等語並將原呈批示登載公報俾各周知在案併飭知照

三年一月

朱陽湖私挽詳文 竊據屬局拖茅分局委員索鴻先等報稱

現有石首縣知事史維財政廳委員姜鑄陶帶同客民夏雲峯等親到該局面稱因奉委扞分田畝須將朱陽湖口門挽築成垸等語風聞有湘人王輔廷等招夫多名預備興工報請核辦等因據此查朱陽湖卽護堤垸在蕭子淵口門以內民國元年創毀蕭子淵後湖南客民夏海濤等卽擬挽築此垸經屬局會縣嚴禁嗣經前民政長於民國二年彙案呈請 內務部立案

萬城隄防輯要

卷上

私挽禁案

十一

勒石永禁挽築在案原呈內載護堤垸卽朱陽湖雖距蕭子淵口四十餘里而接壤之處與萬城大堤緊連若經挽修非特爲拖茅埠之所必爭且江水不能下洩堤防實形危險亦與王輔廷等修築蕭子淵名異實同應飭迅停垸工並不准扞分荒畝等語實於大堤私垸利害情形洞若觀火蓋萬城大堤因江心日高洞庭湖身亦強半淤墊以致盛漲水痕高過堤內地平三丈有餘沙登馬郝等局處處可危卽趕辦石工亦恐緩不濟事幸蒙呈部立案禁挽私垸江水有所消洩大堤得以保固倘一端一開私垸林立恐一二年後江監荆潛漢沔等邑將受災



所漚卽該客民等所稱扞分田畝足裕國稞然取十餘里垸田  
小利貽十數縣生靈大害兩相比較輕重懸殊且江監人民皆  
等切膚勢必羣起力爭竊恐滋生事端屬局職司所在不敢坐  
於上聞惟有仰懇鈞使飭下史知事姜委員勿徇湘民貪利忘  
害之請顧全大局慎重水利實於國賦民生兩有裨益爲此詳  
請鈞使俯賜查核批飭祇遵 奉巡按使批詳悉查朱陽湖築  
築私垸並不准扞分荒畝曾經前民政長彙案呈請內務部核  
准立案勒石永禁分飭各縣遵照並登載二年湖北公報宣布  
在案據詳前情候飭財政廳轉飭姜委員暨飭石首縣史知事

萬城隄防輯要

卷上

私挽築案

三

一體知照辦理毋得聽該處人民之請謀一隅之利致貽害於  
大局並由縣查案再行出示嚴禁可也仰卽知照

奉飭詳勘朱陽湖蕭子淵等處情形會同詳復文 竊立銳奉  
鈞使飭開案查蕭子淵口暨護堤垸卽朱陽湖等處早經築築  
有案前因石首縣詳請弛禁挽修護堤垸當經迭飭該委前往  
會同各縣局勘查集議迄未能決原有俟夏秋水漲之時再行  
詳勘之議現當江水盛漲卽應切實履勘詳細考查以重水利  
飭仰該員卽便遵照前往再加詳勘該護堤垸卽朱陽湖與蕭  
子淵口各處當此伏汎水勢若何確查情形究竟與萬城堤工



有無妨害據實詳覆以憑核奪並順道查看監石等縣及萬城各堤有無危險情事一併查明具報事關水利堤防至爲重要務須確切勘查以副委任等因奉此遵卽乘輪赴沙當往堤工局會晤國彬詳詢各工水勢情形並言仍須履勘蕭子淵朱陽湖等處及監石兩岸堤防國彬因現在江水尙漲未敢擅離當派屬局熟悉情形之工程課員韓毓蔭隨同立銳乘坐紅船沿江而下俾得臨時指詢詳切測勘由沙出發道經陡湖堤馬家寨郝穴等處入蕭子淵口逕達拖茅埠之朱陽湖順流至監利劉家溝出口直至下車灣止遇有南岸公石兩邑堤防緊要處

萬城隄防輯要

卷上

私挽禁案

十四

所間亦渡江周視因江監堤前每多淤灘勢難臆測卽由車灣舍舟而陸沿堤上行仍回沙市以現時江流而論尙未十分盛漲周歷兩岸均無新險發生惟公安縣屬斗湖堤地方近年新築石磯三處逼溜北趨直射堤根萬城大堤之冲和觀周家坑一帶較前加險防護頗形吃緊且溜勢層遞下擠若非下游蕭子淵分洩稍舒其勢則郝穴一帶上逼下兜更不知若何危急也監利江隄以上汎周家河下汎車灣最形險要幸本年水勢平和尙足抵禦至測勘蕭子淵朱陽湖一帶計蕭子淵河口門寬約三十丈水深二丈四尺至監利劉家溝出口長七十餘里



兩岸洲頭高處距水面四尺自淵口至拖茅埠長四十五里以  
本年盛漲水痕計之沿河水深二丈一尺至二丈四尺不等朱  
陽湖在蕭子淵河北岸緊傍萬城大堤南面約長二千丈北面  
約長三千三百丈上寬約一千八百丈中寬約二千丈下寬約  
九百丈本年水大時低處約深一丈三尺四週高處約深五尺  
以平積之法計之共有面積四百一十四萬九千九百丈據此  
查勘情形蕭子淵口實爲分洩江流之要道朱陽湖位置確爲  
向來受水之區卽以目下容量分配水方若護堤垸堵築合口  
則挽堤一尺其積水卽少容四百一十四萬九千九百方合而

萬城隄防輯要

卷上

私挽禁案

十五

算之此外附近處所水勢必然加漲較之全體高灘因勢挽垸  
者實有不同雖該垸地居萬城堤尾似無特別妨碍而大溜由  
蕭子淵河直冲下游監利茶塘灣周家河等處堤身卑薄非若  
萬城大堤之可恃此堤一有不測直與萬城大堤失慎無異是  
以立銳前有勘定江界設立誌椿限制外垸之議國彬有濬江  
洩水以餘灘興懇之說立言雖異皆無非慎重堤防疏暢江流  
先保固有之利源然後以流域廢棄之灘地開闢發生之新利  
爲宗旨如全國水利局總裁張籌設河海工程測繪養成所呈  
文內稱今... 本慮其大要在宣洩之失宜淤窒之不治或專恃



隄防而致潰決或貪填圩蕩而成漲溢良以昔日之治水偏於一隅今日之治水宜籌其全局等語今朱陽湖挽湖成垸適蹈其弊自應俟荆江全局籌定後再行酌議是否有當謹會同備文詳請鈞使俯賜查核批示施行 奉巡按使批據詳會勘各處本年水勢尙屬平和無甚危險自係實在情形至稱蕭子淵朱陽湖一帶已經詳細測勘蕭子淵口實係分洩江流要道朱陽湖確爲受水之區以現在容量分配水方護堤垸如挽修一尺其積水卽少容四百一十四萬九千餘方勢必至附近各處水勢加漲諸多妨害是該垸實不應堵築毫無疑義候飭水利

萬城隄防輯要

卷上

私挽禁築

七

分局暨荆南道轉飭石首江陵以及關於荆江水利各縣知事一體查照仍遵 部准定案認真禁築毋得聽其謀一隅之利貽害全局外仰卽知照並轉萬委員查照 奉水利分局批會詳閱悉朱陽湖地點旣經該員等詳悉勘丈核計水方其爲向來受水之區無疑自與他處高灘因勢挽垸者情形不同似應暫從緩議以重全局近時愚民往往狃於小利不知遠圖曲防病隣與水爭地迨至一遇盛漲水無所容泛溢潰決其禍患將有不可勝言者來詳所稱先保固有利源後闢發生新利尤爲扼要之論惟旣據逕詳仰候巡按使批示辦理並咨萬委員



照四年九月

詳姜鑄陶等在朱陽湖違禁私挽奉巡按使批 詳悉並據夏雲峰電稱護堤垸平安合口惟拖茅埠堤局意見未化恐釀事端迫懇維持等情前來查該護堤垸即朱陽湖私挽一案曾經咨部永禁通飭有案前該民等挽而復毀並在監利縣具有永不挽修切結嗣經本署飭委萬委員一再往勘會同該堤局徐總理詳復該朱陽湖確爲受水之區以現在容量分配水方該垸實不應堵築亦經飭荆南道轉飭各縣查照仍遵 部准定案認真禁築在案乃該民等竟敢違抗擅築捉搶滋事實屬藐

萬城隄防輯要

卷上

私挽禁築案

七

法已極該各縣知事身任地方亦竟置若罔聞並不認真查禁亦屬疏忽除先電飭監利縣親往密拿勒毀外並抄錄電詳分飭荆南道暨江陵石首監利等縣查照辦理仰即知照

五年四月



條陳彙錄

集思廣益古有明箴一得之愚藉資參考大堤修防事宜至爲繁曠有積習已深急須整頓者有襲沿旣久急須改良者有宜妥籌善後者有宜及時進行者凡有裨於堤務靡不隨時隨事博採兼收期臻妥善葑菲無下體之遺流壞亦高深之助故凡留心隄防者意見所及皆可爲借鏡之資彙各項條陳爲一帙覽斯編者或不無裨益云

荆江洲灘築垸開墾意見書 竊查國彬前對於石首北鄉朱

陽湖一案曾力持禁挽之議蓋恐 部案一廢私垸如林旣未

萬城隄防輯要

卷上

條陳彙錄

謀江水宣洩之路必馴至官堤橫決之災責任所在不敢不言今細閱財政廳稟稿乃將舉荊州全屬南北兩岸私洲私垸百餘萬畝一律化爲財賦之區則茲事體大利害關係都凡二十餘縣我鈞使及財政廳長必能外拓洲民生殖之機內謀官堤保全之法統籌全局爲兩利無害之舉惟國彬對於此案之意見有三敢爲我鈞使條晰陳之查江心逐年淤墊北岸官堤危險殊甚增卑倍薄而外所賴以支持者堤外各淤洲逐年尙在過水盛漲之際有所消洩耳然謾者每謂各洲過水一次卽淤高一次縱使加高老堤無異束水行於城上終有橫決之一日



非計之得也現既擬將各洲挽築成田卽當爲水另謀去路否則盛漲之際官堤既增危險新垸必無倖存利國福民徒成虛語國彬詳查荆江滯溜增淤之故蓋由下游有天心洲爲最著之積淤此處江面僅存里許輪船往來時虞攔阻又太平口藕池口調弦口三處爲江水分洩入湘要道現均淤阻江水遂至抬高擬請先將天心洲一帶江心及三支河分年疏濬務使水行地中則各洲既成恒產官堤亦無危險此國彬之意見一也疏濬之議既定然後分派測繪委員將江監松枝公石等六縣濱江內外分別高下繪具總分各圖詳具地勢堤形在適要地

### 萬城隄防輯要

#### 卷上

條陳彙錄

二

點設立水表並測定新舊各堤各能抵水若干倘遇奇漲之年江水宣洩不及不得不捨輕救重應將新立各垸指揮挑破以殺水勢此種辦法全以水痕爲準其挑破之先後及其地點當明定章程著爲定案勒石江干使內外農民一體週知臨事之際仍當董以官吏督以軍警方免要挾懇求之弊此國彬之意見二也經界旣明制度旣定然尙有可慮者則以新立之垸亘數百里分隸六縣官堤所在之地又利害相反設遇必須挑破之時民間旣各護其財產抗死力爭官吏亦或私其子民飾詞袒庇俄延片時形勢立變况文牘往返動逾數日安能立赴事



機惟有將六縣水利堤坊設立一總機關畀以特權凡修防疏導之事均歸管理又荆江一帶水上警察亦必予總機關以兼屬指揮之權如遇水勢急迫必須挑破某垸或須設法搶護者准其違章處置再行詳聞如此組織其益有二既赴機迅速不虞坐誤又南北皆其隸屬必不致偏私爭執此國彬之意見三也以上三端國彬再四思維似爲荆江一帶興利除害之至計而亦爲解決歷來爭執之必要政策也而難者或謂疏江濬河經費浩繁現今何能有此財力不知國彬所陳爲荆江一帶局部之疏濬費財不至太多且可分年籌辦先儘天心洲淤沙開

萬城隄防輯要

卷上

條陳集錄

三

工疏刷次及於太平口次及於調弦口至藕池口較爲深通可置稍後而挽壑之事亦必分年舉辦先儘兩岸內垸多年失修現已淤復之處築堤啟徵次及江心私垸民間已佔壑成熟者加修定賦次及於逐年過水之淤洲挽垸扞荒逮江河疏竣水勢深通卽最低洲灘亦可逐漸招壑矣此種地畝旣由疏江而成恒產儘可加徵地價以爲疏濬經費卽內垸十餘縣受益業戶亦不能不略分担負又天心洲疏濬於輪船上下大有利益各公司亦當酌認捐款則所須國家補助之費必有限也五年之後將見南北兩岸皆成沃產其爲湖北永久之利源實非淺



詳者僅顧此百餘萬畝洲地築堤進佔與水爭地而農業收入仍在不可預期之數無論貽害內地得不償失卽以拓墾洲田論之亦非策之上者也國彬書生之見是否有當伏候鈞使採擇施行 奉巡按使批稟悉候飭水利分局暨荆南道核議會詳察奪再行飭遵 四年六月

沙紳齊詠蘋等疏江條陳稟 竊治水之道首日濬源次日暢流又次日修隄誠以源不濬流不暢雖百計防隄猶俗所謂頭痛醫頭脚痛醫脚也荊州大隄絲亘二百餘里前清時首重堤防次日刷沙洲開支河以暢流爲慎防之輔不聞有進濬源之

萬城隄防輯要

卷上

條陳彙錄

四

計者其治已落第二層矣其後江心淤墊堤亦層累遞加乃堤愈高而江心亦愈高於是有舍南救北之說而南岸一帶遂日在波濤浩渺之中尤爲下策之下策又其後淤土成洲刷不勝刷於是專重堤防並刷沙之令亦銷滅無聞而兩岸之垸田以興以致興訟興鬪迄無已時或有距堤較遠垸已成立者亦姑聽之而北岸大堤遂日受巨浪之衝激當事者無法惟有逐年增高至今遂峭爲危壁脫有不虞何堪設想蓋由歷年郡守皆有五日京兆之心堤工所餘悉歸中飽委幕書差亦迭生弊竇是以因陋就簡因簡而益簡此治水之策所以愈趨而愈下也



清末時尤爲廢敗罅漏極多今民國成立掃除積弊徐總理勤  
謹穩成事尙切實於全堤險要已補綴十之三四地方父老方  
額手相慶謂如此措置十年以後此堤可完全無害茲據各委  
員條陳財政廳長清丈淤洲准築垵田并南岸堤亦准修補裕  
國稟利民生收地利一洗從前舍南救北阻碍江流之說亦足  
娓娓動聽然衡之大局竊以爲猶未盡周詳者何也據原文云  
兩岸挽築垵田不下一百餘萬畝其利可謂大矣然北隄關乎  
江陵潛江沔陽監利及荊門之低下處約數千萬畝因百餘萬  
畝未成之田而不計數千萬畝已成之田得失孰重不築垵田

萬城隄防輯要

卷上

條陳稟錄

五

其失不過在曠土其民亦可別謀生計有碍北堤則五縣人戶  
約千萬家不惟數千萬畝田盡在水鄉并身命亦難保其得失  
又孰重又謂南岸已高於北岸不挽垵田無益於北岸似也不  
知南岸雖高於北岸而不能高於北岸之堤萬一水漲北堤不  
潰南岸仍受其害北堤若潰則五縣均受其害且淤洲比兩岸  
均低挽做垵堤何能敵多年之舊堤水漲卽潰無益於田而有  
害於堤所謂裕國稟利民生者僅屬理想之談終至不兩敗必  
有一敗也况現今太平口調絃口藕池口等處一切支流均漸  
淤塞非復從前之暢流再於江面堵塞非速大堤之潰乎所以



堅執一說者蓋緣各委員僅勘兩岸之洲而未勘北堤之內地  
僅於冬令水涸履勘而未於夏秋水漲時親閱也前清太守陳  
公慶公均於泛漲時到任乃陳公視事一月鬚髮盡白慶公視  
事數月嘔血數升親見險危故由焦灼而生諸病至今人猶思  
念不置則當時之危險可知方今國用支絀民生窮困各委員  
所陳未必不可爲吏治之小補惟兩利相權則取其大兩害相  
權則取其小利害各執則又宜探其原而擇其中竊謂從前之  
說守舊之下策也然至漸淤漸廣則江心益高而堤身益危則  
下策終歸於無策各委員之說急進之下策也然至田垌益多

萬城隄防輯要

卷上

條陳彙錄

六

則江流愈塞兩岸均受其害則下策亦終至失策而執守舊之  
說其患在百年以後行急進之策其患卽在十年之內若欲正  
本清源爲一勞永逸之計則統籌全局可以扼要而圖弁兩存  
其說而兼收其利前清時湖北諮議局議員董欽墀曾倡五省  
疏江之議因民國反正中止惟五省合辦經費巨浩且指臂不  
聯動多掣肘查漢江水勢至寬且深苟由宜昌以下疏至漢江  
則其工較小其費較輕其勢亦操縱裕如萬一力尙難給查荆  
江口而下水勢平鋪無兩岸逼處之患其事又省一半則疏至  
荆江口亦可况查荆州情形萬城之街市高於郡城者五尺萬



城之江心高於萬城之街者又數尺所恃者一堤爲之間隔是  
郡城已在釜底矣沙市舊有城基觀音磯下半里許有阜康門  
遺迹前三四十年其城門之上圓處在堤之腰若一橋然今已  
在堤基之下非六七十歲老人不能知其處可挖而證也蓋由  
江心高則水勢高故堤亦日加而日高也是沙市亦在釜底而  
江陵之下三泚及潛江沔陽監利視郡城沙市尤低又爲釜底  
之底矣此疏江之計在荊州爲必不可少之計也且方今頻年  
水泛必有隨流崩下之砂土是以淤洲益多加以往來輪船之  
炭灰每年不下一萬噸合此二者之堵塞終有塞滿江流之時

萬城隄防輯要

卷上

條陳彙錄

七

卽提身終有不支之時故挽築田垸者非計卽禁止挽築而日  
聽其淤塞亦非計也今擬先籌墊巨款自宜昌下疏至漢江或  
荊河口再責令各堤局繕完堤工分別最險次險認真修理然  
後清丈淤洲其阻碍江流或尙未成田者悉剗平之不必貪尺  
寸之利以防大局南堤則仍令修補以裕國課而濟民生至此  
項經費卽就所墾之田抽出所謂官荒者聽民開墾每畝取田  
價若干手續費若干所謂民荒者以券契爲憑每畝但取手續  
費若干合計可得數十百萬卽以付還墊款惟事有秩序首疏  
河次修堤再次築垸由本至末方不至倒置而可收成效如此



則國祿可裕民生可濟地利可收堤防無害庶爲萬全之計萬一勢不能行則與其紛更成例迫而爲目前之患不如暫守舊說付其患於百年之後以待後之挽救也伏乞查核轉詳 奉  
巡按使批據詳已悉候飭水利分局核議覆奪再行飭遵 四年六月  
萬城大堤改良善後辦法八條

一石工浩大 查沙市登南馬家寨郝穴四分局地段多係內潭外河輪船泓道日趨北岸激流衝刷崩陔逼近隄身非分別修築板石坦坡與碎石雙擺不足以資抵禦而策安全除次要各工暫行不計外其濱江之最險要者約長二千丈必

萬城隄防輯要

卷上

條陳彙錄

八

須一律修砌石工以資保護計算工料需款不下二十萬欲取之民間則歲修土方有常未便格外加派若遷延時日以待將來又恐險生不測再四籌思惟有勸集商捐挪借國稅之法大堤向章遇有特別工程或勸集沙市商幫捐集鉅款或挪借國家釐稅分年攤還歷經辦理有案良以大堤爲江陵及下游數州縣生命出廬之保障無大堤則無沙市商準卽國稅亦無從取給商家捐款建築保隄卽所以自保國家墊款興修爲民實所以爲國如蒙允准卽懇令飭江陵縣轉知沙市商幫籌集捐款庶款項有着可分年擇要趕修此宜



善後者一也

一磚工重要 查汎漲發生時拖茅埠江面寬濶數十里自中孟家洲起至拖茅埠止適當風浪之衝歷年歲修屆時仍冲刷崩陔糜費甚鉅毫無裨益前清倪守曾將該埠改修磚工長五百五十五丈迄今四十年依然鞏固洵屬一勞永逸之圖惟磚工每方約需錢八串每丈三方需錢二十四串自中孟家洲至羅家灣長二千二百七十八丈一律修築磚工需款總在五萬以外然使土費收數較旺擬將全隄次要土工展緩注重拖茅磚工提前趕修兩年即可辦到此宜善後者

萬城隄防輯要

卷上

條陳彙錄

九

二也

一組織堤警 查大隄綿長二百餘里興工之日沿途夫匠動輒千餘人違禁舞弊滋生事端在所不免若一一送交地方官懲辦手續既繁工程亦多阻碍故必有直接拘留懲罰之權該夫役方知忌憚去今兩次呈請試辦堤工警察良以警察寓司法性質易於彈壓夫役辦事人員不形棘手故欲整頓夫役惟仍有增加名目組織堤工警察之一法此宜善後者三也

一整頓石船 查採辦毛碎石石船全係宜都枝江松滋三縣



船戶往往領受大堤運資護照封條旗幟私運江南岸松滋公安石首各私垸銷售或另運柴炭在上游販賣本年馬湖二局石工無多因來船稀少延至五月二十以外始行告竣致令沙市登南二局險要各地點應行拋石護腳者尙未拋護遲誤要工殊堪痛恨大堤修防向係荊州府督辦所有公石松枝宜各縣均屬治下石船如有以上情弊卽札飭松枝宜三縣從嚴懲辦並分飭松公石三縣非大隄要工告竣不得私購大堤封雇石船是以各縣不敢不遵照辦理擬懇鈞署俯念大堤關係重要令飭松滋枝江宜都如大堤封雇石船運往南岸私售或另運別貨販賣一經堤工局咨會卽應拘案重懲並乞令飭松滋公安石首必俟大堤石工完竣方可購買大堤封雇石船如此辦理庶船戶狡猾之技倆無所施此宜善後者四也

一嚴禁私挽 查萬城大堤濱江南北岸多有洲灘淤塞致使河身逼窄阻遏江流小民無知反於洲灘上挽築私垸雖經三令五申仍復不免禁阻之法非借用水警不可查荆江險要各地段均有水上巡警專以緝捕水面盜犯本未便干涉隄防事務然人民挽築私垸與水爭地貽害無窮較盜賊爲



尤甚似可由水警干涉禁阻緣水警係軍隊性質警勇所至愚民咸知震懾如有私挽一經總局調查卽函請該處水警立時禁阻較之咨縣派隊拘拿與呈請飭派軍隊彈壓難易迥別此宜善後者五也

一借助警威 查大堤綿長二百餘里分六十七工三百二十七號明清防汎每工隄老一人每號圩甲一人沿堤共三百九十四人此外尙有堤防營分駐險要各工段大汎時局委督同營兵堤老圩甲傳遞夜簽往返梭巡以備不虞倘有臨時危險事件卽由該局員紳率同防兵召集近堤居民搶護

### 萬城隄防輯要

#### 卷上

條陳彙錄

十一

立法極爲周密民國元年縣議會提議以隄老圩甲止供局委驅使受堤差凌虐業經呈請前內務司批准出示裁免隄防營亦早經裁撤雖本屆擬定每工添設防險居民一人而人數旣少復無威力設有危險呼應仍覺不靈查大堤濱江險要各處多有水上巡警砲艘駐紮設江水泛漲時萬一有搶險事故卽由該局員紳協同就近水警臨時彈壓庶策應較靈防險易於爲力此宜善後者六也

以上二項如蒙允准卽懇令飭水警總廳轉飭荆江一帶水警專署及分署長知照辦理



一疏濬支流 查荆江舊有九穴十三口分洩江流現時強半  
涇塞餘存不過十之一二况近年河心日漸淤高堤身加修  
不及去年大汎時堤面低處距水面僅三尺餘設水勢再行  
增長危險卽不堪言狀大堤之修築有限而江流之潮汎無  
常萬一沮漳河水川水南水同時異常泛漲縱極力防閑安  
知危險不出於所防之外故必多有支流消洩方可以殺奔  
騰之勢爲治本之計應疏瀹江心第所費不貲一時萬難辦  
到惟有於現有之太平口藕池口二支流因勢利導俾資宣  
洩庶江流消暢水患可以無虞此宜善後者七也

萬城隄防輯要

卷上

條陳彙錄

十三

一嚴催土費 查大堤土費向例未完者帶徵一年一年之後  
卽行豁免前清時荊州府收土費之法凡二限未完之券一  
律裁交保正按戶追繳設再有抗延者卽予以押追之罰故  
征收較旺而抗欠絕無民國改良不准裁券僅設催征丁數  
名催花戶赴櫃完納未完者聽其抗延絕不予以懲處是以  
豐稔之年所收不過五六萬有奇比較前清每年減少一萬  
餘串長此優容以後土費將無人完納矣查江陵縣以堤爲  
命無隄則生命財產莫保國賦將何所出是江陵之土費重  
於錢漕長官之催科宜與錢漕無異故土費征收其辦法宜



與錢漕一律庶土費收入較豐而大堤之修築鞏固永保無虞擬懇令飭江陵縣查照辦理此宜善後者八也

萬城大堤善後辦法條陳詳文 竊國彬於民國元年四月奉命總理萬城堤務到差以來以大堤爲下游十數縣生命財產之保障關係重要熟察宣防利害力謀所以整頓之方用以爲久遠之計如創毀蕭子淵口及測勘荆堤濱江南北兩岸淤洲私坑各案凡於大堤有妨害者均悉心研究先事預防本年正月內復擬改良堤土進行事件八條呈奉鈞署核准立案遵行惟江防形勢逐年不同辦理利弊亦隨時方見本屆歲修完竣

### 萬城隄防輯要

#### 卷上

條陳彙錄

十三

汎漲適臨國彬等體察情形仍有種種碍難亟應妥籌善後辦法用特臚列八條繕具清摺備文竇請鈞使俯賜查核批示祇遵 奉巡按使批詳暨清摺均悉所陳萬城大堤改良善後辦法八條係爲慎重堤防力圖整頓起見用意甚善查第一第二兩條以沙市登南馬家寨郝穴四分局地段內衝刷崩殘逼近堤身擬於濱江最險要之處分別修砌板石坦坡與碎石雙擺以資抵禦並將自中孟家洲至羅家灣止一律改築磚工自係一勞永逸之計惟據稱該兩項工程需款在二十五萬串以外卽分作三年辦理而歲收土費不敷甚鉅值此商情艱窘國帑



空虛所擬勸集沙商捐款及於稅釐項下借撥兩層恐均不易辦到應由該總協理再行通盤計畫妥慎酌籌或擇其工程較小能就原有土費支配應用者先行舉辦庶尙易於着手也第三條所擬組織堤警一節上年曾據該總協理呈請試辦當經批飭暫從緩議茲既據稱堤段綿長夫役繁眾違禁舞弊滋生事端時所不免一一送縣懲辦殊多阻碍仍須組織堤工警察庶有直接拘留懲罰之權易於彈壓夫役辦事人等不形棘手自屬實在情形檢核該總協理上年所呈辦法係就總分各局原有員役改設名目人數略有增加需費無多亦尙簡而易

萬城隄防輯要

卷上

條陳集錄

十四

行應卽妥擬章程專案詳請核示辦理又第七條以疏江費鉅一時猝難籌辦擬于現有之太平口藕池口二處支流因勢利導俾資宣洩庶江流消暢水患可紓等語自係切要之論併卽具文詳請水利總局查核妥議轉詳察奪至石船積弊亟宜整頓土費延抗尤應嚴催以及私垵挽築函請水警立時禁阻庶愚民有所震懾盛漲搶險協同水警就近彈壓則策應自較靈通所請各節均屬可行仰候分飭各該縣知事查照辦理並飭水警總廳轉飭該管各分署長遵辦

民國三年七月

萬城大堤借助水警威力詳文 竊查萬城大堤爲十數縣生



命財產攸關至爲重要宜防利害尤宜深思遠慮爲久安長治之謀前經國彬籌畫大堤善後辦法八條繕具清摺於民國三年七月詳奉前巡按使呂批准遵行祇以江防水勢年有不同利弊亦因之而見非隨時整理施以威力不足以寒奸胆而策安全茲就前次詳准辦法細加規畫有稽查不便而宜改歸者有權力太薄而宜改隸者亦有條陳已載而未實行者整頓之法厥有三端而借助於水上巡警之威力則一也敬爲我鈞使覲縷陳之查大堤工用石料向由平善壩採運接濟其石船全係宜都松滋枝江三縣船戶往往領受大堤運資封條旗幟私

萬城隄防輯要

卷上

條陳彙錄

十三

運松滋公安等縣及湖南各私坑銷售或另運別貨在上游販賣耽延時日貽誤要工曾經詳請飭縣拘懲原以杜絕流弊現查濱江要隘各處均有水警炮艘駐紮宜都枝江松滋各縣城距江寫遠查察難週行之已久仍屬無裨實際莫若藉水警沿江之緝捕兼巡大堤封雇之石船如遇船戶有私售販賣情事一經查覺卽由水警隨時逮捕重懲事屬便利巡緝較易此借助水上巡警之查緝而宜改歸者一也查前清大堤設有堤防營原爲彈壓修防藉資震懾自裁撤以後絕無聲威之可言而各夫匠刁猾如故卽經詳准組織堤警名額過少勢有莫及而



堤局又乏懲治之權以致各夫匠刁狡異常往往恃眾玩延不服員司之約束若一一送交縣署懲戒手續實嫌繁頤擬懇嗣後如有偷減延玩不聽監工員之指揮及強梗不馴之夫匠似應隨時函請大堤附近之水警從嚴懲辦庶夫役知所忌憚而修築益覺認真此借助水上巡警之懲處而宜改隸者二也查荆江南北兩岸多有洲灘淤塞致使河身逼窄阻遏江流小民無知反於洲灘上挽築私垵雖經三令五申仍復狡焉思逞本年朱陽湖挽築合口迭經咨江石監三縣飭隊查禁純屬無效上年詳准善後辦法內有嚴禁私挽一條就近請水警禁阻迄

萬城隄防輯要

卷上

條陳彙錄

十六

未實行擬懇嗣後遇有洲灘私挽在部准禁案之列者卽由該處水警立時禁阻較之咨縣拘拏與詳派軍隊彈壓事最便捷而易行此借助水上巡警之禁阻而宜實行者三也總之水懦則民玩火烈則民畏洵爲探本之論若非雷厲風行猛以濟寬則船戶之私售夫匠之疲玩洲灘之私挽弊害迭生伊於胡底國彬責有攸歸深悉前情既未能緘默自安亦何敢因循誤事爰亟謀整頓之方爲久遠之計查荆江一帶凡石船採運所經過之區與大堤所管各工段隨在皆有水警駐紮就近緝捕彈壓查禁似屬便利可行可否仰懇憲恩迅飭水警總廳轉飭所



屬荆江一帶水警專分各署長如遇大堤封雇石船沿江經過  
有私售及販賣別貨情事准予查緝懲戒以及夫匠疲玩洲灘  
私挽均予以嚴懲禁阻之權如此切實進行則船戶不患其偷  
漏夫匠無虞其狡猾而私挽之風藉可稍戢矣所有借助水上  
巡警威力藉資整理緣由是否有當理合詳請鈞使察核批示  
祇遵 奉巡按使批詳悉所陳借助水警緝捕石船懲治夫匠  
查禁私挽各條均爲慎重堤防革除積弊起見應卽照准仰候  
飭水警總廳轉飭各該分署遵照辦理 五年五月

萬城隄防輯要

卷上

條陳案錄

十七



## 土費改良

興工作必先籌的款經費足乃克措置裕如大堤歲修之資實本於歲征之土費曩時辦理土費虧挪蒂欠流弊滋多三四兩年因謀一改絃易轍之方既不使花戶倖免亦不致公款挪移近年雖險工迭見需款孔多而款不虛糜工歸實用量入爲出逐年修防均有金錢之豫備無支絀無虧欠豈非土費改良之效果也哉

改良徵存土費詳文 竊查萬城大堤工程土費前清均歸荆

州知府兼管事權統一辦理毫無碍難民國以來劃爲兩極土

萬城隄防輯要

卷上

土費改良

費改歸知事徵收工程另委專員督辦在立法之初原以清權限而分責任行之數年其中頗多窒碍難行之處敢爲鈞使縷晰陳之收入土費雖爲知事權限然毫無考成多不見功少不爲過恐再歷一二年花戶刁玩者必存觀望倖免之心土費將致減色再江陵知事常有更換民國以來已九易其人土局經理既爲知事所任用多隨之爲去留去年詳定章程雖蒙批准由屬局會委考覈然以新舊交替均未實行所委局員亦未會商屬局平日辦事亦未通知更何從施其考覈之法土券存根向例於次年開征以前一律核算清楚上年經理方能脫離責



任本屆因去年土局經理更換太多無人負責竟未舉辦此端一開流弊不可勝防至土局進出欸項均由縣署主政向來收支曾否詳報鈞署審核屬局無從查悉逐年縣署交付之欸僅以印摺爲憑於征收年度絕不相合是以土費出入數目屬局不能稽核清算也其尤可慮者每年存款數至鉅萬去年曾經詳定收入土費應隨時撥交沙市商會或中國銀行存儲業蒙批准在案乃知事以此鉅欸利於挪用屢次咨催延不遵行竊思大堤修防事宜歸屬局負完全責任而土費操縱之權全在縣署任意挪移撥欸動行遲滯是公欸無絲毫之利而受無形

萬城隄防輯要

卷上

土費改良

二

之累殊屬非計且現在大堤險象日形設遇修防吃緊之際有誤工用咎將誰歸國彬再四思維惟有仰懇鈞使將所有征收土費用人辦事之權飭由江陵縣知事與萬城堤工總理切實會同管理征數衰旺共負考成每月征獲數目及征收用欸由縣局會銜詳報鈞署查核所收土費隨時解由屬局交中國銀行存儲不必由縣署轉撥以免挪移倘有花戶疲玩抗公應由縣署照抗糧例罰辦如此辦法似于堤防土費均有裨益倘蒙允准卽乞飭下新任江陵縣知事遵照辦理實爲公便國彬爲慎重堤費起見是否有當理合備文詳請鈞使俯賜查核批示



祇遵 奉巡按使批詳悉查上年據該局總理等詳擬章程請  
示前來曾經呂前巡按使批准在案茲據詳陳改良徵收土費  
及存款辦法尙屬妥協惟每月收款若干仍卽由縣局按月會  
交中國銀行存儲所有交款日期計息數目具報查考至該局  
額支活支以及工程各用款應由該局隨時知照該縣會函憑  
摺撥取應用以昭慎重餘均如詳辦理 四年九月

萬城隄防輯要

卷上

土費改良

三



萬城隄防輯要卷下

地7-8  
2763  
:2





萬城堤防輯要卷下

大堤章程

無規矩則不能成方圓無準繩則不能昭平直立一定不易之範圍始克有所遵守此規定大堤章程之所由來也曰總綱曰編制示提挈要領之意也曰職守曰考成示綜覈名實之意也曰委任杜倖進也曰經費儲工用也曰歲修曰防護明宣防之有專責也綱舉目張萃然畢具輯而刊之或亦治斯隄者之藍本也已

第一章 總綱

萬城隄防輯要

卷下

大堤章程

第一條 萬城大堤舊屬荊州府辦理故名荊州萬城堤但堤身所在純屬江陵且土費由江陵一縣負擔故定名曰江陵萬城大堤

第二條 萬城大隄之隄線上自堆金台起至橫隄止共二十七工謂之官工分爲萬城李家埠江神廟沙市四局下自阮家灣至拖茅埠止共四十工謂之民工分爲登南馬家寨郝穴金果寺拖茅埠五局綿亘二百一十七里有奇爲江陵及下游各縣之保障關係至爲重要

第三條 此隄向歸荊州知府承修所有堤工一切事宜悉



假手書吏以至侵蝕剋扣百弊叢生民國之後改爲官紳合辦特設總局於沙市另委專員辦理俾從前積弊一律剔除

## 第二章 編制

第四條 總局以交通便利設於沙市石卡附設沙市分局至九隄工分局六土費局悉仍其舊

第五條 總局設總理一人協理一人稽查一人文牘一人收支一人書記一人臨時幫繕一人九堤工分局各設經理二人石卡設經理一人六土費局各設經理一人其餘

## 萬城隄防輯要

### 卷下

大堤章程

一一

隄工算寫丈量生土費執事生隄局傳達差遣雜役局丁土局催丁雜役各按職務繁簡分別雇用

第六條 堤工總局附設隄工警察署署長由稽查兼任各分駐警官由各分局經理兼任共設堤警廿二名看守所丁一名隄警內有十八名由原有隄兵改充其餘職務均由隄局人員分別兼攝照另案詳定萬城隄工警察簡章辦理

第七條 員生兵役按月給予薪水工食另表詳定之

## 第三章 職守



第八條 總理負萬城大隄完全責任任免總分局員生考  
核工程稽查土費及總分局出入款項並會商江陵縣知  
事及地方正紳籌議修防事務與一切進行方法

第九條 協理襄助總理執行一切事務總理有事故時得  
由協理代之

第十條 稽查巡視全隄修築工程及購辦工料與防汎時  
應備之材料器具凡關於工程之利弊隄身之險要有隨  
時報告之責

第十一條 文牘專司一切往來公牘函件並保存文卷起  
草主稿送總協理覆核執行

第十二條 收支專管款項出入及總局庶務保存公有器  
具一切置籍掌管之所有收支款項須按季分造四柱清  
冊資請巡按使公署核銷

第十三條 書記兼核算專司繕寫公牘冊籍及核算工冊  
收發文件幫繕襄助書記繕寫核算

第十四條 各隄工分局經理按所管工段監察工程巡視  
隄身冬春修築夏秋防護均須常川駐局石卡經理督催  
石船切實量收陸續運赴工次接濟工用不得遺誤



第十五條 各土局經理於所管土費切實經理認真督催務期依限完納以濟工用不得有放棄責任及浮收苛索之弊

第十六條 各局算寫丈量生應受各分局經理員節制凡估工清工收工均須切實丈量計算清楚繕具清冊送交總局復核至防汛時應測量水痕高低填報總局以便下屆勘估修築各土局執事生應各按所有職務勤慎辦公不得稍有舞弊情事

第四章 考成

萬城隄防輯要

卷下

大堤章程

四

第十七條 萬城大堤關係重大工程浩繁在前清時督修承修之道府各員均有考成惟僅照成案辦理並未分別規定現定尋常歲修工程所有承修及監工各員均應保固一年經歷三汛其特別工程如修築潰口退挽月堤須另行籌款不在歲修經費之列者應保固三年以專責成

第十八條 新修之工如在保固期內萬一有潰口情形所有曾經保固人員應由巡按使查取銜名分別輕重加以懲戒但盛漲漫溢人力難施者不在此限

第十九條 堤工總協理及總分局人員於每屆工程切實



督修並能認真防護者得詳請巡按使酌核給獎其在工有異常勞績或繼續修防連慶三屆安瀾者得詳請巡按使核明咨部獎叙以示鼓勵

第二十條 堤工各員有曠職日久怠忽職務或扶同舞弊情事應分別輕重或記過罰薪或立予撤換其情節較重者應詳請巡按使交文官懲戒委員會加以懲戒

### 第五章 委任

第二十一條 總理由湖北巡按使委任協理向由江陵縣自治會公舉現自治停辦應由堤工總局會同江陵縣知

萬城隄防輯要

卷下

大堤章程

五

事及地方正紳於捕沙龍郝四汎內延訪老成公正熟悉堤務紳士會詳巡按使加札任用

第二十二條 總局稽查文牘收支各員由總協理聘用詳報巡按使公署存案

第二十三條 各土局經理由縣知事與堤工總局會銜委派執事生由該局經理自行擇用

第二十四條 各堤局及石卡經理由總協理遴選熟悉堤務強幹耐勞人員委用

第二十五條 捕沙龍郝各汎如有熟悉隄務結實耐勞者



得由總協理酌量選用各該汛紳士不得藉端要挾

第二十六條 總局書記幫繕及分局算寫丈量生均由總協理分別錄用

### 第六章 經費

第二十七條 隄工用款全恃土費項下開支收土費之法向例按照地丁銀每兩派土不得過二十方現定辦法每屆安瀾估工後由隄工總局會同地方正紳妥慎籌議將歲修防汛及額活支款作一預算照中等年歲收入數目每兩應派土若干方咨會江陵縣知事查照辦理

### 萬城隄防輯要

#### 卷下

大堤章程

#### 六

第二十八條 收土費之法分爲三限舊歷四五月爲頭限七八九月爲二限十月臘月爲三限每土一方定價一百六十文頭限完納者每方減少四十文二限完納者每方減少二十文三限完納者照價不減所以懲刁狡而重堤防如本屆未完之二仍應帶征兩年照價完納

第二十九條 土費由縣知事與堤工總局會銜徵收用人權限歸知事主持堤工總理有稽核良窳之權

第三十條 收入土費應咨會沙市商會覓殷實錢庄隨時代爲存儲非關修防要務不得擅行挪用



第三十一條 大堤用費逐年入不敷出向例每屆歲修先行設法借墊或由夫頭重息墊作工用俟夏秋後徵收土費償還既費息金又多手續公家尤吃暗虧現本屆僅將餘存土費擇要估修並未挪借鉅款下屆即可以上年土費存儲之多算定工程之大小既省稱貸之煩且免息金之累

第三十二條 前條規定係指每屆歲修而言如遇重要工程土費不能敷用須借資商力勸集捐款或詳請借撥國稅由土費籌還

萬城隄防輯要

卷下

大隄章程

七

第三十三條 萬城大堤應於土費項下每年節存錢三千申爲萬城大堤預備金以爲臨時搶險及凶荒費繼之備此項預備金應折合銀兩存放國家銀行照章起息

第三十四條 預備金之動用先以息金爲限如萬不得已動及母金時須於次年籌還

第三十五條 堤工收支之決算於陰歷次年正月行之所有堤工總局及九分局六土局常年收入支出由隄工總協理會同江陵縣知事邀集地方公正紳耆查核對算以昭大信而重公款



第七章 歲修

第三十六條 歲修項下分土石兩工土工全堤擇要培修石工以沙登馬郝四局爲最如遇重要情形須辦大工者謂之特別工程不在歲修之例

第三十七條 歲修向例每延至仲春開工時限迫促轉瞬桃泥發生取土艱難加以農忙期邇招夫不易現自下屆爲始一律改爲冬工庶工多土易可收事半功倍之效

第三十八條 土工歲修向例九局勘估勻派現擇其最要次要者輪年次第培修凡工程無多之局得由總協理酌

萬城隄防輯要

卷下

大堤章程

八

量情形將該局經理調往工程重要之處協同督修工竣仍回本局防汎

第三十九條 石工分毛碎石板石條石各項毛石專以拋護堤脚碎石除護脚外兼以修砌雙擺及魚鱗斜坡板石條石專爲修理坦破及礮岸磯頭之用向來船戶帮寬加高壓浮蓋面無弊不有書差受賄習以爲常現將方價酌加凡石船到卡時由總局人員協同經理專員核實驗收以杜以少報多之弊

第四十條 歲修工程前清時工書夫頭通同舞弊以致款



項虛糜利歸中飽民國以來切實改良本年又另案詳請將夫匠方價核實酌加工程開辦時應由總局人員隨時上隄督同該局經理認真監察不令夫匠有減料偷工情事至工竣驗收偷減者除核扣外仍分別懲罰其有修築異常結實土方溢乎原估之外者除按方給價外仍分別工程之大小酌量獎賞以資鼓勵

第四十一條 土石兩工每屆估工收工應由堤工總局咨會江陵縣知事邀同地方正紳認真辦理至知事及地方正紳夫馬火食由隄局按日供給不另送薪資

### 萬城隄防輯要

#### 卷下

大堤章程

九

### 第八章 防護

第四十二條 萬城大堤前清舊例應由湖北督撫輪年駐隄防汎如省城另有要務亦應奏委道府大員代防極爲鄭重現在民國應由堤工總協理督率在事員役切實防護惟江陵縣知事及水陸警察遇大汎時均有協同防護之責

第四十三條 防汎定例於陽曆六七八九四個月由總局發循環板簽八枝註明時刻填寫水痕由各局堤警按時傳遞輪流梭巡每工選用近堤老成居民一人幫同堤警



常川巡視如有崩矧浸漏立時報告以憑酌量辦理設遇重要情形由該局經理立時招集近堤民夫上堤搶護至一切器具均歸公家置備分儲各局以資防禦

第四十四條 遇大汎泛漲水痕高過楊林洲石磯一丈時須通宵傳遞板簽認真巡視各堤警雨夜奔馳備極辛苦應按路程之遠近酌量加給口食

第四十五條 防汎期內總協理稽查均須分途巡視督率防護各局經理有防守專責尤不得擅離局所違者應予懲戒

萬城隄防輯要

卷下

大堤章程

十

第四十六條 沙登馬郝四局爲濱江險工段落綿長大汎時除將石卡專員調派協防外仍當察看情形臨時加派一二員協同防護惟水勢平定時不得援以爲例

第四十七條 萬城堤外濱江南北兩岸多有洲灘淤塞小民無知每挽築私垵與水爭地前經咨部立案永遠嚴禁恐日久玩生應由堤局人員隨時查視如有違禁私挽及修復舊垵卽行設法禁阻以暢江流

第九章 附則

第四十八條 萬城大堤向行舊案及歷年詳定改良事件



善後辦法堤警簡章不與本章程相抵觸者仍得援用

第四十九條 本章程由奉巡按使批准之日實行

第五十條 本章程如有未盡事宜得隨時增改詳請巡按使核奪

江陵萬城大堤章程詳文○竊查萬城大堤前清時遵照歷來奏案辦理並無確定章程民國以來新設總局未遑遠圖僅依據舊案並隨時酌擬改良進行善後辦法詳請核奪遵行歷經辦理在案現在修築防護均歷三屆一切利弊經驗已熟似宜及時規定章程以期久遠國彬等用特約集江陵四汛地方正

萬城隄防輯要

卷下

大堤章程

十一

紳就當事者歷年之考察參以衆人之輿論審慎再三擬定江陵萬城大堤章程都爲九章五十一條詳請鈞使核奪如蒙核准屬局擬卽排印多分分給在事員生及地方紳士俾以後從事修防者得以有所遵守是否有當國彬等未敢擅專理合繕具擬定章程一本備文賫送仰乞鈞使俯賜查核批示遵行○奉巡按使批據詳賫擬定萬城大堤章程已悉查所擬第四章第十九條有依文官委任職叙官之例詳請咨叙文官等語查前奉文官叙官令係指實官而言該局堤工差事人員是否能一律辦理尙無明文該條應改爲隄工總協理及總分局人員



於每屆工程切實督修並能認真防護者得詳請酌核給獎其  
在工有異常勞績或繼續修防連慶三屆安瀾者得詳請核明  
咨部獎叙以示鼓勵其第二十一條應即刪除餘條均尙妥協  
准予備案仰卽知照 三年九月

萬城隄防輯要

卷下

大堤章程

十一



## 堤警簡章

堤工之有警察自民國三年創始緣大堤長二百餘里每屆歲修沿堤夫役衆多爭鬪滋事時有所聞防汎期間水勢變幻莫測巡防既貴周密策應亦須靈通組織警察係爲慎重堤防起見嚴彈壓勤梭巡庶宵小望而生畏夫役知所服從實於修防事宜大有裨益謹列簡章於右以備稽攷

### 第一條

萬城堤工總局爲保堤防之安全謀工程之堅固詳奉湖北巡按使批准設立堤工警察

## 萬城隄防輯要

### 卷下

堤警簡章

### 第二條

堤工警察以萬城堤工總協理爲主任暫以本局稽查兼署長並管看守所事務以九分局委員兼各處分駐警官所有文牘收支一切事宜均由總局人員分別兼任

### 第三條

堤工警察於堤工總局添設堤警四名看守所所丁一名各分局卽以原設堤兵改充堤警

### 第四條

堤工警察江陵縣知事有協助之義務遇有危難事件堤警力



有不逮者須派警隊協同辦理

第五條

堤工警察署長承總協理之指揮負防衛堤身及督率工程之責任有指揮各分駐警官辦理該管事務之權關於督工防險有懲責本局夫役之權對於各界人民認其有妨害堤身安全之行爲時須禁止之惟事關重大及不服禁阻者得暫時拘管稟請總協理送交縣知事辦理

第六條

各分駐警官承署長之指揮管理該段堤工警察事務對於該萬城隄防輯要

管夫役得施懲責各界人民如有妨害堤身之安全須立時阻止設遇不服阻止及事關重要者卽報告總局辦理

第七條

隄警受署長及分駐警官之指揮服保衛堤身安全及巡視工程之任務當巡察時遇有情形隨時報告於分駐警官如有怠誤由署長及分駐警官予以相當之懲罰

第八條

堤工警察人員於萬城大堤防衛修築以外之事一概不得干預並不得收受範圍外之陳訴



第九條

添設堤警及看守所所丁月給工食七串文分局堤警由堤兵改充原有職務仍由堤警服任不得曠廢

第十條

本章程由批准開辦之日實行並得隨時改良詳請湖北巡按使核准

萬城堤工警察章程詳文○竊查萬城大堤督工防汛辦理困難於本年六月妥籌善後辦法八條內擬請組織堤工警察以資整頓詳奉鈞使批開所擬組織堤警一節既據稱堤段綿長

萬城隄防輯要

卷下

堤警簡章

三

夫役衆多違禁舞弊滋生事端時所不免必一一送縣懲辦殊多阻碍仍須阻織堤工警察庶有直接拘留懲罰之權易於彈壓夫役辦事人員不形棘手自屬實在情形檢核該總協理上年所呈辦法係就總分局原有員役改設名目人數略有增加需費無多亦尙簡而易行應卽妥擬章程專案詳請核示辦理等因奉此查堤工警察原就屬局員役酌量增改所有章程前經酌擬呈核惟與現時情形稍有不合謹另行妥擬章程十條備文詳請鈞使俯賜查核批示遵行○奉巡按使批據詳已悉所擬萬城堤工警察簡章十條核與上年詳費章程畧有增減



一切規定尙屬妥協應准備案仰卽查照改組妥速辦理仍將  
開辦日期具報察攷三年八月

禹城隄防輯要

卷下

興修節章



請獎成案

職守所在功過攸分凡百執事皆然任宣防者考成尤爲重要故營私舞弊處分不得不嚴竭力從公勞勩亦未可沒優予獎叙所以勵賢能也嚴予懲戒所以儆貪劣也民國以來堤務維新待人而理其供職各員尤宜悉心查察從嚴甄別得使賢者益知奮勵不肖者亦資觀感黜幽陟明其亦古人三載考績之意也夫

荆南道尹公署詳文○案據道屬江陵萬城堤工總理徐國彬詳稱竊查萬城大堤爲荆郡江陵及下游數縣之保障工段綿長關係重要自前清乾隆五十三年隄潰發帑二百萬特命大學士阿桂來荆督修完固比照黃河工程嚴定考成每年由湖廣總督湖北巡撫輪值一人赴荆駐防如省城有應辦要件不克分身另委道府大員駐工代防仍須專摺奏報設有潰決其承修防汛之員處分綦重如果修防得力而保獎成案亦極優渥除興辦大工著有勞勩者隨時奏獎外每遇連慶三屆安瀾繼續修防之道府專案保奏多獎以鹽運使銜亦有特給二品頂戴者其餘出力人員或內獎升階或外給功牌逮及宣統年間均歷經遵辦在案民國開幕勛於沙市設立總局一切修防

萬城隄防輯要

卷下

請獎成案



事宜責成總協理督率員紳妥慎辦理本年屬局擬有章程五十條詳奉前巡按使呂批准施行國彬因大尹職在分巡而此隄又隸於轄境是以將章程批示均錄報鈞署備案現計元年迄今已歷三載迭逢盛漲水痕竟高過楊林洲石磯一丈二尺有奇其時各處隄身危險萬狀經國彬督率在事員紳生兵晝夜梭巡搶護幸皆仰托福庇轉危爲安水退後認真修築一律穩固刻已連慶三屆安瀾在工人員似不無微勞足錄查前次詳定章程第四章第十九條內載堤工總協理及總分局人員於每屆工程切實督修並能認真防護者得詳請巡按使酌核

萬城隄防輯要

卷下

請獎成案

二

給獎其在工有異常勞績或繼續修防連慶三屆安瀾者得詳請巡按使核明咨部獎叙以示鼓勵等語自應遵照辦理茲經國彬將總分局人員在工未滿三年以及防護不甚得力者一概剔除以免冒濫外謹擇其在工扣滿三屆異常出力核與定章資格相符堪膺保獎者共計四員理合開造各員銜名履歷到差年月辦工事實清冊詳請查核加考轉行咨獎等情並竇到銜名履歷事實清冊一本據此職道查江陵地勢低窪形同鍋底民賦田廬胥恃堤爲保障而萬城大隄濱臨荆江計長二百餘里尤爲江陵及下游潛監沔陽等縣特別屏蔽前清時係



由荊州知府收費承修金融在其掌握之中辦理尙無扞格之虞迨民國紀元府制取消土費改歸江陵知事經收解局濟用其時以民氣囂張催徵無術收獲之數不及前清遠甚而險工迭出需款孔殷與從前究無二致加以湘民王輔亭等挽築私垸既加妨害於先劉鐵攻犯荊州復欲挖掘於後照該總理冊開事實其經過困難情形殆不一而足以言修防實非易易遑論安瀾乃該總理自元年四月到差迄今日以講求隄防爲事湘民王輔亭所挽私垸凡與大堤有碍抗不創毀者均經該總理請兵彈壓一面督飭稽查韓毓蔭不避艱險前赴各處押令

### 萬城隄防輯要

#### 卷下

請獎成案

三

創毀刊碑立案以杜後患其歷次所出險工亦經該總理會同江陵知事認真催費量其輕重緩急先後督飭協理楊紀南暨在工人員認真修理切實防護並查明二郎門礮岸關係重要前清時議修未成特向官商籌借鉅款加派員紳修築如式以致時歷三年安瀾迭慶其功誠不可沒且土費日增支銷仍不敢濫卒能以撙節所餘將官商借款一律繳還本年更爲騰挪工用之規定以上年之款作次年之用並設大堤險備金以爲臨時搶險及凶荒費繼之備是宜爲該局謀永久之宏規非僅爲斯民增一時之福利謀深慮遠任事實心求之今日誠不多



得其協理楊紀南稽查韓毓蔭或協助進行出力較多或認真查修不辭勞怨就其冊叙事實詳加查看亦非尋常勞績可比茲既連慶三屆安瀾核與該局詳准有案之大堤章程第十九條請獎辦法實屬相符如不詳請優予獎叙其何以酬勞勤而勵將來查該總理冊開擬請內獎僅有協理稽查二員在該總理謙抑爲懷雖不敢仰邀獎叙而總理係一局首領凡事均賴以主持厥功尤偉似未便令其獨抱向隅合無仰懇鴻慈俯念隄工重要在事人員均屬異常出力據情咨部將萬城堤工局總理徐國彬協理楊紀南稽查韓毓蔭三員從優分別給獎該

萬城隄防輯要

卷下

請獎成案

四

局收支員王華桺經手出納亦不無微勞足錄既經列冊請獎併請准由鈞署量予獎叙以資鼓勵除批示外所有道屬萬城隄工連慶三屆安瀾據情轉請分別獎叙緣由是否有當理合將該局冊開各員履歷事實照造清冊具文詳請鈞使俯賜查核批示祇遵○奉巡按使批詳暨清冊均悉仰候轉咨核辦俟准部覆再行飭遵至王華桺一員亦應俟部准後另議獎叙並轉飭該堤工局知照四年一月

荆南道尹公署飭文○奉巡按使飭開承准 內務部咨開前准咨陳江陵萬城堤工三屆安瀾在工出力人員徐國彬等擬



請給予獎叙等因到部當經調查成案備具呈文援案給予獎勵於本月初四日奉 大總統批令准如所擬給獎交政事堂飭銓叙局查照單摺併發此批奉此相應恭錄○批令錄鈔原呈並單咨行遵照飭知可也等因附抄原呈一件單一件到署承准此查該道尹原詳該局收支員王華梅經手出納籌畫樽節不誤工需自應酌予記大功一次飭科註冊以示獎勵並飭各該員一體知照 四年四月

內務部原呈○竊准湖北巡按使段書雲咨陳萬城大隄地段綿長二百餘里關係江陵及下游數縣田賦生命至爲重要前

萬城隄防輯要

卷下

請獎成案

五

清舊案凡承修防汎之員處分綦嚴其修防得力三屆安瀾者亦歷經奏請保獎有案前據該局總理等擬定章程載明其在工有異常勞績或繼續修防連慶三屆安瀾者均詳請核咨獎叙等語詳由巡按使核準備案在案茲據荆南道道尹凌紹彭將江陵萬城堤工總協理及總稽查員等四員履歷事實清冊詳經覆核相符咨陳查核辦理等因到部當經本部檢閱舊卷僅有宣統三年湖廣總督具奏荆門州沙洋堤工出力人員請援案擇尤保獎一案今准該省咨開據荆南道道尹詳稱該總理徐國彬等於辦理江陵萬城堤歷次險工及二節門礮岸一



處要地均能切實搶護修築如式所支經費又能樽節動用等語是該堤工局總理徐國彬等歷年防護搶險不無微勞足錄現已三居安瀾似應援案給獎藉資激勸但此次江堤工程較黃河河工情形不同自未便援照直東豫三省河工獎案辦理惟安徽黃絲灘下八圩堤工獎案曾於上年奉 令給獎有案鄂省事同一律自應援照此案分別獎叙俾足以昭核實而免歧異所有請獎湖北萬城堤工三居安瀾在工出力人員緣由是否有當理合繕具清單並履歷清冊呈請 大總統鈞鑒訓示施行

萬城隄防輯要

卷下

請獎成案

六

分等給獎清單

萬城堤工總理徐國彬

以上一員擬請仿照安徽省下八圩堤工局長給獎成案獎給七等嘉禾章

萬城堤工局員協理楊紀南總稽查員韓毓蔭收支員王華枬以上三員擬請仿照下八圩堤工局員給獎成案獎給九等嘉禾章

萬城大堤請援案給獎文○竊查萬城大堤綿亘二百餘里爲荆郡江陵及下游數縣之保障關係重要迭逢水痕盛漲危險



萬狀端賴羣策羣力即時搶護始得轉危爲安是以前經國彬釐定章程五十條第四章第十九條內載總分局人員於每居工程切實督修並能認真防護者得詳請酌核給獎其在工有異常勞績或接續修防連慶三居安瀾者得詳請巡按使核明咨部獎叙以示鼓勵等語詳奉前巡按使呂批准施行查上年三居安瀾時業將屬局在差韓毓蔭等員服務勤勞詳請獎給嘉禾章在案茲查屬局石卡經理員甘霖郝分局經理員柳勛臣每居險工迭出之時均能切實督修防護勤慎自矢勞瘁不辭迄今已歷三載核與定章相符且與前清獎給嘉禾章之韓

萬城隄防輯要

卷下

請獎成案

七

毓蔭等三員事同一律擬請援照前案呈請給特以昭激勸所有李分局經理員孫炳鏞登分局經理員歐陽澤拖分局經理員袁策勛石卡襄助員賀法前以上四員均能結實耐勞尙無遺誤擬請各予記大功一次以示鼓勵除在工各員未滿三年或辦事不甚得力者一概剔除免致冒濫外理合開造甘霖柳勛臣二員銜名履歷到差年月辦工事實清冊詳請鈞使查核示遵並懇分別援案給獎○奉巡按使批詳暨清冊均悉候咨部核辦至稱各分局經理員孫炳鏞等四員結實耐勞尙無貽誤准予各記功一次以示獎勵仰卽轉飭知照



巡按使公署飭文○承准 內務部咨開准咨陳江陵萬城隄工局局員甘霖等二員防汛搶險援例擬獎請核辦見履等因到部本部查舊案此項堤工每屆三慶安瀾始得由該局擇尤詳由該省咨請獎給一次上年該堤工三慶安瀾曾由部撥案請將該局總理徐國彬暨委員韓毓蔭等四員分別獎給勳章在案現在甫經一載復准咨請將局員甘霖等援例給獎各節核與舊案不甚符合未便照准惟原咨所稱該局員甘霖等在差三載迭慶安瀾平時於監督工防汛搶險事宜均能奮勇從公異常出力等語應准由部暫行存記仍俟下屆三慶安瀾

萬城隄防輯要

卷下

請獎成案

八

時再由該局稟案請獎相應咨行查照轉飭遵照 五年三月

湖北巡按使段片呈修防堤工總理徐國彬請優加擢用文並批令○再鄂省襟江帶漢堤垸林立修防工程實為全省命脈所繫而江陵萬城大堤關係下游十餘屬生命財產尤為重要年來洞庭淤蟄江流頓異於前工防異常喫緊前清時係荆州知府管理歲計所需攤徵民間畝費然支用浩繁民力頗形凋敝兵燹後即委員紳徐國彬充任總理力剏舊習樽節開支隨身日臻穩固而工款逐漸減少值此悉索之際民力頗積少三年十月因三屆安瀾曾經宜昌道道尹凌紹彭詳請咨部獎



給七等嘉禾章年來該總理益自振勵每遇伏秋盛漲岌岌可  
危均能隨時搶護化險爲夷其勞實不可沒查該員誠樸勤廉  
實事求是由前清增貢生援例報捐縣丞歷在本省辦理學堂  
保升以知縣分省補用應如何優加擢用之處出自 睿裁爲  
此附片具陳伏乞 大總統鈞鑒訓示謹呈奉 批令交  
務院飭銓叙局核議旋奉 批令交全國水利局酌量任用五  
年九月

萬城隄防輯要

卷下

九



## 改編局員

法制與時爲變遷卽官制因時而損益改革之初創設大堤總局所有九堤工局六土費局員司薪俸尙仍其舊近年來熟察情形各分局所管地點程途有遠近工段有險夷勞逸大有區分卽員薪不無增減他如總局分課理事各按職務之繁簡責任之重輕以定月薪之多寡局有等差卽責有大小量能投職各盡其長此改編局員之所由來也

### 萬城大堤改編局員辦法十二條

一萬城大堤關係重要擬請改設隄工專局專司修防事宜

## 萬城隄防輯要

### 卷下

改編局員

一原設隄工總理擬請改爲局長定爲荐任人員以重職守

一原設協理擬請改爲襄助紳延訪地方公正老成素有聲望紳士詳請加札任用

一專局設工程文牘收支三課各以課員一人掌之另用僱員辦理庶務書繕及各工段算寫丈量事務

一原設九分局經理員十八人查沙市登南馬家寨郝穴四局最爲險要擬請每局改設一等局員一人萬城李家埠江神廟金果拖茅埠五局每局改設二等局員一人學該管工段及警衛隄身事務



一原設石卡經理員三人擬請改設一等局員一人專管石船事務

一各局卡酌設僱員勸助各局員辦理一切事務

一原設各徵收土費局與隄工局有直接之關係應作爲二等局員其經費列入隄局預算

一課員局員均定爲委任職

一依此改編較原設人員有減無增其俸給應依職務之輕重酌量改定

一原設隄警及雜役人等均仍其舊

### 萬城隄防輯要

#### 卷下

改編局員

二

一修工防險必要之時期得酌量情形詳請添派臨時委員

改編局員詳文。竊查全國經流以長江爲重自峽口放注平原直射荊州江陵以下十數縣爲湖北膏腴腹地然皆湖沼羅列地勢低窪隄內地平低於水面者三丈有餘曾經測量有案數千里建瓴直下之水所賴以抵禦者惟此萬城隄十數縣之生靈財賦所賴以保障者亦惟此萬城隄自乾隆戊申上游漫決殆舉鄂境之半沉之波底朝廷始知此隄關係之重發帑二百萬特命首相阿桂蒞荆修復嗣後欽定章程以荊州知府專管隄務荆南道員職任監修並年輪督撫一人駐工防汎較黃



河隄工責之廳縣殆六過之歷任道府以位尊責重自顧考成苟遇危險皆能逃赴事功非盛漲漫潰人力難施之年莫不獲慶安瀾國賦民生保全甚大此權重責專之效也改革後道尹移駐知府裁撤乃另設隄局專司修防惟至今尙未編列官制地方人民視爲公益機關羣思干涉每以不能辦到或無甚裨益之工要求舉辦且辦事人員自忖係臨時差使隨長官爲去留羣懷難進易退之心人無固志策勵維艱又在工人員參用本地士紳非幕非吏責任不明既無確定官階卽難遽繩以官吏服務命令而協理一職輪充更換尤多視如傳舍且或各私

### 萬城隄防輯要

#### 卷下

改編局員

三

其鄉致啟爭端此編制未定事權不專之害也國彬承乏三載有餘在職一日須盡一日之責然隄防事重非一手一足之力所能收效查萬城隄長二百一十七里有奇自前清乾隆以後改歸知府承修設工程文牘各一員總收支一員分收支二員九分局委員各二員石卡石工各一員隄防營弁三員加以工書弓正隄老圩甲營兵全隄凡五百餘人修防之法極爲周密歷二百餘年遵行無替民國以來創設隄局減去分收支二員石工一員弁兵吏役悉已裁撤隄老圩甲亦經議會稟請革除權力薄弱窒碍諸多幸三年之內江水未異常盛漲徼天之福



得保無虞然近來水泓北趨險象發生今春江流奇澗隄根顯露始知原有石工強半損壞奇險林立怵目驚心有急須補救者有非一二年所能奏功者大隄已成積弱之病較之前清時尤爲吃緊倘遇江流盛漲實屬可危且徵收土費防護汎漲非予以特權重以專責辦理必多棘手惟有將萬城隄工局編列官制遴選熟悉工程之員荐爲局長予以久任所用局員視同委任待遇之椽屬責任旣明障礙自去必能專心服務規畫久遠庶于堤防水利大有裨益國彬一得之愚未知當否謹將應行改編事宜酌擬辦法十二條實請核奪如蒙採擇伏乞會同全

### 萬城隄防輯要

#### 卷下

改編局員

四

國水利局呈請

大總統飭下法制局核議施行所有大隄

關係重要擬請編列官制各緣由謹備文詳請鈞使鑒核。奉  
巡按使飭據水利分局查復詳稱伏查萬城隄綿長二百餘里  
爲下游十數縣田廬保障關係本極重要該總理請定官階條  
陳辦法自爲慎重隄防力圖整頓起見奉飭前因遵卽逐條詳  
加審核如第一條萬城隄工擬請改爲專局專司修防事宜查  
萬城隄前清時向由荊州知府管理民國成立以後裁府留縣  
由省特派專員前往設局綜司其事已與專局無異修防一切  
自係該總理一人專責似可不必再立專條第二條原設隄工



總理擬請改爲局長定爲荐任以重職守自係因萬城隄工緊要取事權統一任重責專之義惟鄂省濱臨江漢隄腴林立派充總理者不止萬城隄一處聞現在管理河海工程各員應叙官階中央將次規定似可從緩議改第三條原設協理擬請改爲襄助紳延訪地方公正老成素有聲望紳士詳請加札任查查萬城隄協理每年由地方公舉正紳稟由縣局會核轉詳加委歷經辦理有案惟輪年舉充該協理自不免視同傳舍然使去留毫無限制用人者恐亦不無瞻徇究應如何任用如何延訪之處應仍飭該總理妥籌辦法另行陳候核定其餘第四條

### 萬城隄防輯要

#### 卷下

改編局員

五

至第十條或專局改設工程文牘收支三課各以課員一人掌管或九分局經理員十八人改爲一等局員四人二等局員五人每局各設局員一人管理以及石卡經理員二人改設一等局員一人各徵收土費局均作爲二等局員一切辦法查萬城隄原定總分局章程權限該總理本有支配總分各局在事人員之權且此次改編既較原設人員有減無增尤見辦事核實不辭勞怨應請責成該總理體察情形隨時酌量裁減分別請示辦理又第十一十二兩條原設隄警及雜役人等既稱皆仍其舊自可勿庸再議至修工防險必要時酌量情形詳請添派



臨時委員查萬城隄每週汎漲事關緊急原許臨時添委汎員  
藉資策應惟汎員薪貲應以防汎之日起至安瀾時止不得長  
年支給致涉虛糜亦不得視為成例年年添委總之辦事期有  
實際用人尤貴廉明庶法立而弊無由生責重而事乃畢舉矣  
所有議復萬城隄工總理徐國彬條陳辦法是否有當理合遵  
飭具文詳請鑒核示遵等情前來查核所議各條尙屬妥協除  
批示外合亟飭仰該堤工局總理即便查照辦理

改編詳文。竊查屬局詳請改編各事宜既經水利分局審議  
詳奉察奪理應遵照辦理除原詳第一第二第十一第十二等

萬城隄防輯要

卷下

改編局員

六

條奉飭從緩議改及毋庸再議外所有第三條改編協理一節  
嗣後請改由屬局總理在江陵縣捕沙龍郝四汎內博採輿論  
延訪公正殷實夙孚衆望之士紳會同江陵縣知事詳請加札  
任用定爲任期三年不得仍沿按汎輪年舊習以杜流弊第四  
條總局改編事宜所有稽查文牘收支三員擬請改爲工程文  
牘收支三課課員仍設書記一員算丈生六人定爲僱員至庶  
務幫繕兩項現因收工以後事務無多暫緩設置由收支課員  
及書記分別兼任第五條原設九分局經理十八人請將沙市  
登南馬家寨郝穴四局改爲一等局員各一人萬城李家埠江



神廟金果寺拖茅埠五局改爲二等局員各一人掌該管工段  
事務現查金果寺分局外有洲灘修工防汛均極清簡擬請不  
設局員暫派僱員一人代行局員職守以後如淤灘日高再行  
將該局裁撤堤段分劃管理第六條石卡仍請派一等局員一  
人加派僱員一人幫辦催船運石事務第七條應設僱員處所  
除金局外萬城沙市登南馬家寨郝穴拖茅埠各設一人李家  
埠江神廟共設一人幫同局員辦理第八第九兩條徵收土費  
局經理改爲二等局員各課員局員定爲委任職均從緩議第  
十條總分局各員薪水按事之繁簡酌量增減另行列表實請核

萬城隄防輯要

卷下

改編局員

七

奪以上各條均係遵照水利分局議復再行詳加籌議惟員額  
較少如遇有特別工程及江水盛漲應隨時察看情形詳請添  
派臨時委員以資策應國彬爲改良堤務起見是否有當伏乞  
鈞使俯賜察核示遵再現在已屆秋汛距安瀾時不過兩月除  
將總局人員先行改編外所有各分局應俟安瀾後再行核改  
實行合併陳明○奉巡按使批詳表均悉查核改編該總分局  
員額以及薪水數目較之原薪每月減少錢八十六串文自屬  
核實應准備案至所稱現屆秋汛距安瀾時不過兩月擬先將  
總局人員改編其餘各分局俟安瀾後再行核改實行亦應照



准仰即知照四年八月

萬城隄工局改編職員薪水一覽表

改編職名員	數薪水單數	薪水	共	數
總局總理一	人捌拾串文同			上
總局協理一	人伍拾串文同			上
工程課員一	人叁拾陸串文同			上
文牘課員一	人叁拾陸串文同			上
收支課員一	人叁拾貳串文同			上
書記兼核算員一	人貳拾肆串文同			上

萬城隄防輯要

卷下

改編局員

八

一等分局局員五 人各貳拾捌串文共壹百肆拾串文  
 二等分局局員四 人各貳拾陸串文共壹百零肆串文  
 局卡襄助員九 人各貳拾串文共壹百捌拾串文  
 算寫丈量生六 人各壹拾貳串文共柒拾貳串文

備

一總分局人員原定薪水月支錢捌百肆拾串文  
 一現定薪水月支錢柒百伍拾肆串較原薪減少捌拾

陸串文

一石船巡緝礮岸監工及防沈帮繕各員係臨時添派

考

故薪水均未列入計算



職員銜名

古之官署例有題名如藍田縣廳丞題名記是也堤局微員未秩非必冀姓字之昭垂惟念修防責任至重凡盡力於堤務者似未便沒其名稱大堤之保障無窮從事大堤者其名氏亦應隨之而傳播別以職守有專司也標其姓氏無浮冒也係以籍貫稽里居也誌其出身明甄進也以供差之久暫覘資格之淺深後之覽斯表者其亦可以屈指而稽矣

元年份職員一覽表

職 別姓 名籍 貫出 身

萬城隄防輯要

卷下

職員銜名

總局總理徐國彬湖北黃陂

前清增貢肄業經心書院湖北學紳法政講習所畢業由縣丞保升補用知縣

總局協理龔寶琅湖北監利

前清舉人歷任四川州縣升候補道

總局文牘黃廷樞福建漳平前清附生湖北補用縣丞

總局總稽查莊銘心湖北監利前清附生

總局分稽查余鼎臣江蘇常州前清湖北補用知縣

總局分稽查莊以臨湖北宜昌調查海軍駕駛科畢業生

總局分稽查毛濟美湖北江陵前清監生

總局分稽查王海谷湖北江陵前清監生

總局收支王華梅湖北黃安前清監生候選州判



總局分收支王遠 鍾湖北江陵前清監生

總局書記張承熙 湖北漢川湖北鐵路學堂畢業生

總局幫繕胡寅亮 湖北監利俊秀

萬局委員李鎮國 湖南前陸軍特別小學畢業

萬局委紳歐陽廉正 湖北江陵前清廩貢

李局委員孫炳鏞 浙江山陰前清監生湖北候補典史

李局委紳蔡若緩 湖北江陵前清廩貢

江局委員周麟甲 湖南湘潭前陸軍特別小學畢業

江局委紳陳益新 湖北江陵公立師範畢業生

萬城隍防輯要

卷下

職員銜名

二

沙局委員曹鈞安 安徽當塗前清監生湖北候補巡檢

沙局委紳李成九 湖北江陵前清附生

登局委員歐陽澤 湖南長沙前清監生湖北候補按察使經歷

登局委紳胡治鎬 湖北江陵前清廩貢候選訓導

馬局委員張毓琦 福建前清監生

馬局委紳湯懋遠 湖北江陵日本早稻田大學法政豫科畢業

郝局委員吳曾貽 江蘇常州前清監生湖北候補府經歷

郝局委紳楊紀絕 湖北江陵日本宏文速成師範經緯學堂長期警察早稻田大學法政豫科畢業

金局委員吳昌均 安徽休甯前清監生湖北候補巡檢



全局委紳李敘 廣湖北江陵前清附生

拖局委員郭之 萬湖南長沙留俄建築科畢業生

拖局委紳馮鼎 春湖北江陵前清附貢

石卡委員方寶 樹江蘇上元前清監生湖北候補典史

石卡委紳賀法 前湖北江陵前清監生河南試用通判

石工經理員韓毓 蔭浙江蕭山前清監生湖北候補典史

二年份職員一覽表

職 別姓 名籍 貫出 身

總局總理徐國 彬見 前見 前

萬城隄防輯要 卷下 職員銜名 三

總局協理索龍 浦湖北江陵前清監生候選通判

總局文牘黃庭 樞見 前見 前

總局稽查韓毓 蔭見 前見 前

總局收支王華 梅見 前見 前

總局書記索鴻 藻湖北江陵前清監生候選州同

總局幫繕劉立 甫湖北江陵俊 秀

萬局委員李鎮 國見 前見 前

萬局委紳歐陽廉正見 前見 前

李局委員孫炳 鏞見 前見 前



李局委紳宋乾 三湖北江陵前清隄防營把總

江局委員索鴻 先湖北江陵前清附貢候選訓導

江局委紳魏灼 三湖北江陵前清監生

沙局委員曹鈞 前見

沙局委紳趙鴻 鈞湖北江陵前清附生

登局委員馮德 忻浙江山陰前清監生湖北候補巡檢

登局委紳袁策 勛湖北江陵前清附生荆南師範畢業

馬局委員湯懋 遠見 前見

馬局委紳陳學 良湖北江陵前清監生

萬城隄防輯要 卷下 職員銜名 四

郝局委員楊紀 南見 前見

郝局委紳柳勛 臣湖北江陵前清附生荆南師範畢業

金局委員毛濟 美湖北江陵前清監生

金局委紳隗超 湘湖北江陵前清附生

拖局委員蔣國 霖湖北江陵前清監生

拖局委員鄭德埏 續湖北江陵前清監生

拖局委紳田春 森湖北江陵前清監生

石卡委員歐陽 澤見 前見

石卡委紳賀法 前見 前見



三年份職員一覽表

職 別姓 名籍 貫出 身

總局總理徐國彬見 前見

總局協理楊紀南見 前見

總局文牘黃承宗福建漳平前清監生候選縣丞

總局稽查韓毓蔭見 前見

總局收支王華梅見 前見

總局書記鄧振雍湖北江陵前清附貢候選訓導

總局帮繕劉立甫見 前見

萬城隍防輯要

卷下

職員銜名

五

萬局委員歐陽廉正見 前見

萬局委紳李濱湖北江陵前清監生

李局委員孫炳鏞見 前見

李局委紳黃震東湖北江陵縣師範畢業

江局委員索鴻先見 前見

江局委紳宋祖焯湖北江陵縣師範畢業

沙局委員曹鈞見 前見

沙局委紳賀法前見 前見

登局委員馮德忻見 前見



登局委紳魯明 裕湖北江陵簡易師範畢業是兩等小學教員

馬局委員甘霖 霖湖南湘陰前清監生湖北候補典史

馬局委紳胡治 鎬見 前見

郝局委員袁策 勛見 前見

郝局委紳鄭伯昌 昌湖北江陵前清增生

金局委員張在 鎔湖北江陵日本宏文速成師範經緯學堂長期警察畢業

金局委紳薛達 煊湖北江陵縣師範畢業

拖局委員柳勛 臣見 前見

拖局委紳胡有瑜 瑜湖北江陵前清監生

萬城隄防輯要 卷下 職員銜名 六

石卡委員歐陽澤見 前見

四年份職員一覽表

職別姓 名籍 貫出 身

總局總理徐國彬見 前見

總局協理張雯 煥湖北江陵前清附生醫學具本法政大學法律科畢業漢口地方檢察廳檢察官

總局支牘黃承宗見 前見

總局稽查韓毓蔭見 前見

總局收支王華梅見 前見

總局書記鄧振雍見 前見



總局帮繕徐 標湖北黃陂前清監生縣師範自治畢業

萬局委員歐陽 澤見 前見 前

萬局委員李 濱見 前見 前

李局委員孫炳 鏞見 前見 前

李局委員譚俊 心湖北江陵前湖北警察學堂畢業

江局委員宋祖 煒見 前見 前

江局委員鄢福 基湖北蕪水前清監生江蘇按察使照磨

沙局委員梁景 鏞河南汲縣前清監生湖北補用巡檢

沙局委員汪延 祐湖北黃岡前清監生福建候補府司獄

萬城隍防輯要 卷下 職員銜名 七

登局委員馮德 斨見 前見 前

登局委員魯明 裕見 前見 前

馬局委員柳助 臣見 前見 前

馬局委員黃兆 奎湖北江陵前清附生

郝局委員曹 鈞見 前見 前

郝局委員袁策 勛見 前見 前

金局委員張在 鎔見 前見 前

金局委員薛達 煊見 前見 前

拖局委員索鴻 先見 前見 前



拖局委員鄭伯昌	前見	前
石卡委員甘霖	前見	前
石卡幫辦員賀法	前見	前
五年份職員一覽表		

職別姓	名籍	貫出	身
-----	----	----	---

總局總理徐國彬	前見	前
---------	----	---

總局協理張雯煥	前見	前
---------	----	---

總局文牘課員韓志遂	浙江山陰前清附生上海法政學校畢業	前
-----------	------------------	---

總局工程課員韓毓蔭	前見	前
-----------	----	---

萬城隍防輯要 卷下 職員銜名 八

總局收支課員王華	前見	前
----------	----	---

總局書記鄧振雍	前見	前
---------	----	---

總局幫辦張繼	宗湖北黃陂縣師範暨江漢法政學校法律科畢業	前
--------	----------------------	---

萬局局員馮德	前見	前
--------	----	---

萬局襄助員魯明	前見	前
---------	----	---

李局局員孫炳	前見	前
--------	----	---

李局兼江局襄助員鄒福	前見	前
------------	----	---

江局局員鄭伯昌	前見	前
---------	----	---

沙局局員汪廷祐	前見	前
---------	----	---



沙局襄助員莊先選湖北江陵前清附生經心書院肄業

登局局員歐陽澤見前見

登局襄助員胡治鎬見前見

馬局局員宋祖焯見前見

馬局襄助員譚俊心見前見

郝局局員柳助臣見前見

郝局襄助員李濱見前見

金局襄助員索鴻先見前見

拖局局員袁策勛見前見

萬城隄防輯要 卷下 職員銜名 九

拖局襄助員薛達煊見前見

拖局襄助員王永祚續江蘇前清監生

石卡卡員甘霖見前見

石卡襄助員賀法前見前見

巡緝石船委員陳英明湖北武昌前清湖北將校講習所畢業



藝文雜誌

傳曰言之無文行之不遠文亦安可忽乎哉然遊覽選勝之篇  
綺麗言情之作無益於民生世俗其文固不足稱也是篇所誌  
藝文多有關於大堤事實宣防有策紀險要之週知建築有碑  
幸大工之告竣夏祈秋賽祀典惟昭叙事摠懷讜言丕著他如  
見諸謳吟形諸酬答大都以修防事務卽境言情固非漲墨浮  
烟可比列入雜誌或亦博覽旁搜之一助也

荊州江防策

鄭世炷 辨香

粵稽輿圖所紀東南爲澤國之區禹貢所書江漢有朝宗之慶

萬城隄防輯要

卷下

藝文雜誌

一

况江爲四瀆之宗在荆據上游之勢地當衝要代有治人孫叔  
敖爲宣導川谷之謀國家殷富召信臣有分瀉長江之跡積水  
流通晉杜預三益頻興宋汪業寸金早築元趙通爲二縣開穴  
之計轉網罟爲鋤犁明賢佑成六縣築隄之功易菰蒲爲禾黍  
總之二海八櫃皆斯渠溝洫之遺瀉險通漕賴勤恪廉明之吏  
直其然乎良有以也夫江當出峽之時有建瓴之勢夷陵而上  
山阜高而難溢嘉魚而下江面闊而順流易瀾漫者中間郡縣  
受決害者多在荊州所以兩漲夏秋滔天作勢夾江南北沿岸  
爲隄自松滋至城陵磯互六百餘里者南隄之蜿蜒也自當陽



至拖茅埠互七百餘里者北隄之迂廻也宛爾周垣大力能回  
乎奔馬居然砥柱奇功克邁彼鑄牛此固前代以來千百年所  
恃爲定策者矣然而防疏蟻穴禍慘魚池或楫竹之儲未豫備  
或激箭之流不能支或當急湍之迴沙不知隄宜峻或遇奔流  
之直注不知隄宜遷故屢築而難成亦一決而致患且也化蛾  
眉之積雪勢欲浮天鼓颺母之狂風高將踰岸豈盡因隄防之  
不固又由於穴口之未開看峽流直倒夫三蠶叢路關嗟古穴  
惟存其二虎渡帆稀加之枝河淤平注壑失道欲以分水勢而  
勢何由分欲以殺江流而流無由殺是以宣防徒事屢聞秋風

萬城隄防輯要

卷下

藝文雜誌

二

瓠子之歌濁浪仍驕不獨春雨桃花之漲古人於南郡設掌水  
之官於西漢垂河渠之志非無見也當茲鉅任端賴奇才固兩  
岸數百里之長隄乃無咫尺不堅之勢復九穴十三口之故道  
乃有同條共貫之途水之橫者不使之濫水之聚者復導之通  
修葺維勤共仰龔黃之作吏貫輸致富何殊鄭白之開渠庶幾  
蓄洩同謀疏築並用安瀾共慶不貽旅人投壁之憂江貢頻通  
無非郢客獻琛之路

沙市舒公隄記

鄭世炷辦香

五代倪可福宋張孝祥築荆南寸金隄自城西門至紅門路與



濱江大隄接已舉沙市全局擁護之而未以沙市名也沙市濱江大隄創始於宋鄭獬宋史河渠志云沙市據水陸之衝地本沙渚當蜀江下流每遇漲潦奔衝沙水相盪摧地動輒數十丈獬請發帑築隄自是地志始以沙市名隄突然閱顧亭林江隄考略謂沙市正古江陵地陵卑自荆門西北來二百里臨江正阨水衝南北皆有穴口殺江流趙宋前無大水患迄元以來沙市高陵半崩入江穴口復堙塞至明嘉靖十一年江決沙市之上隄而南二十一年復遭巨浸各隄防蕩洗殆盡夫宋史云沙渚亭林云高陵顧公得毋失考然取沙渚而高陵之安知非

### 萬城隄防輯要

#### 卷下

藝文雜誌

三

有見於土隄易圯期於石隄永固因爲是適度前功豫圖後效之辭也夫石工十倍於土共存化石之心安得黠金之術哉而沙市隄必欲復高陵之舊則尤亟岷江東於蜀放於夔而狂蕩於荆挾清江沮漳之助值江淤洲複之鄉激湍迴漩迸北趨而恣狂囓乃當以民居稠密難施夯築較上下獨形低薄之隄將來南淤堅寬夏漲驟騰猛擊北岸沙市直穴口耳奚由全巨鎮億萬生靈之命固下游數十州縣之保障乎湖北通志云營盤要處非石隄不能回水怒而障狂瀾則取沙渚而高陵之正有待於人矣乾隆戊申純廟軫念民艱發帑增築雞嘴壩黑壩



觀音寺石磯逼溜南徙沙刷窖金萬世永賴已同治間觀察孫公復勸捐修建自米廠河至康家橋礮岸橋以下活土浮沙因難施工而止光緒丁亥長白舒公膺簡命守荆慈惠勤恪全郡百務隱蒙其福而維純廟軫念之殷釋今上簡界之旨尤重修全隄而以當衝缺陷之沙市爲急辛卯承制軍張公命增卑培薄自二耶門至九根桅五百丈已一律坦平猶慮隄外缺保護願自籌款捐廉遍建礮岸不虧帑不累民爲一勞永逸計稟大府皆報可壬辰夏二百丈落成前後計費錢四萬七千餘緡與築固而勞成功大而速具見公自作沙市礮岸碑記中近聞由

萬城隄防輯要

卷下

藝文雜誌

四

九根桅而下接礮礮岸已全障沙市有餘又成二百十六丈費二萬三千緡矣士民歡忭悉呼爲舒公隄江陵鎮流之砥復見於今沙市高陵之言實徵諸古往哲有知鄭公必爲之驚愕顧公必爲之欣慰也隄屬於舒公我朝深仁厚澤與夫各大府眷注之隆羣有司勩贊之績皆得因舒公而詳考焉已同感功德因銘以昭之銘曰昔搖沙渚今峙高陵金隄石城舒公肇興澤國地變陽侯怒懲生靈奠定庶績載凝大功經始勵精運籌擬基本立平鑿工鳩簫笳鐵錮灰汁環周尾土堅密礮磚旁搜逆溜分杵順水分收移山抵缺鞭石鎮浮林蟠水府柱砥中流碎



石沈江歲糜巨萬塊石累砌底面營建樁繫舟航階通商販蛟  
龍瑟縮敢出噴濤百怪盱睢卻顧東遯柱地均功補天償願示  
後勒碑來賢激勸千丈嵯峨數州安處士庶歡康農商歌舞大  
府卓薦聖皇嘉予鞏固億齡永昭來許

彙纂測勘全案記

龔寶琅耕廬

治水者順水之性而已恃堤以爲固非策之至者也然與其汜  
濫橫決無寧兩害取輕棄地與水就固有之堤增高培厚猶可  
相持於不做荆江南北兩岸皆有堤久矣江之轉徙無常沙洲  
林立或南徙而北淤或北徙而南墊凡所淤墊皆江之經流或

萬城隄防輯要

卷下

藝文雜誌

五

港汊受水之區也法宜剷削刷治細民不察則藉洲牟利墾闢  
繕築節節進佔與水爭地而江患烈焉民國元年黃陂徐君文  
陔實總萬城堤事既熟察工程與夫江漲所以消漫之處則具  
呈鄂政府遴員會勘測其高下容積灼知灘堤之害鉅也奉飭  
勒石垂爲厲禁文繁石不可以盡載彙案付梓冀廣流傳俾南  
北居人之恃堤爲固者觸目知警用心亦綦苦矣持異議者或  
援國體共和灘民宜兼顧不知以十餘縣民賦與洲田相較孰  
重以上腴沃產與私築灘堤待成熟之士相較又孰重也故取  
決多數凡有阻塞江流危害此荆江大堤者去之惟恐不速也



言兼顧乎彼細民無知不足論矣甚願明達士夫之勿逞偏私而昧大局也則茲編蓋不無裨益云

建修二郎門砌岸坦坡碑文

齊詠蘋

荆江居岷峨下游一瀉千里自枝江而下無高阜巨陂以障之此萬城大堤所以爲數縣之保障也惟自堆金垵至白合澗尚有淤洲擁護堤基其患僅在堤身沙市一帶與水逼近南岸日高江流北徙日在洪濤汕刷之中二郎門尤爲岌岌諸父老憂之屢議屢梗歲壬子黃陂徐君文陔總理堤事先後協理爲龔君耕齋索君石泉首以建修砌岸爲務特向民政府暨沙市商

萬城隄防輯要

卷下

藝文雜誌

六

會挪借鉅款以資進行徐君委曹君敬之甘君澍之稽查韓君仲良索君覺人趙君鴻鈞董其役監事者爲李君子珊賀君效先朱君麗春贊襄義務者齊詠蘋鄧振璣趙錫藩任煥章定洪鈞隗超湘李桂林向廷秀鄭德耆鄧振庠王燮寅龔寶琛鄧葵鏡梁朝柱鄭世燾熊鵬翮鄧振鳴鄒兆蘭張鑑堂等諸君於壬子冬月鳩工癸丑八月歲事凡增高砌岸一丈一尺寬四五丈不等長八十四丈斜坡二段長八十餘丈外嵌巨石中填釘保馮馮登登曾無虛日計費錢一萬七千餘串向之卑附者今則崇高矣向之危聳者今則坦厚矣夫大工大役其始患議之不



決其繼思財之不給而其弊尤患用之不實故往往沮於衆論  
廢於半途迄無成功今徐君能不畏難不避怨成斯大舉銷患  
無形是數縣之休戚皆重賴有此擔負也前清時自七里廟至  
拖船埠礮岸建於荆郡太守倪公豹岑稱倪公堤自劉大人巷  
至七里廟建於荆郡太守舒公暢亭稱舒公堤斯堤之成宜歸  
功徐龔索三君矣三君不有謂沐雨櫛風重趼流汗賴曹甘韓  
索趙李賀朱諸君之偏勞也諸君不居謂襄助監修爲紳首之  
合作也紳首爲地方應盡之義務仍以歸之徐君惟沙市全堤  
其形如帶沿堤居民鱗比不惟興作動多掣手卽利病亦難周  
萬城隄防輯要

卷下

藝文雜誌

七

知而七里廟一處尤爲險峻倘徐君繼續總理或後有來者能  
悉心研究使危者安薄者厚庶免其魚之患是則江陵父老所  
馨香以祝者也是爲序

建修二郎門礮岸坦坡碑文跋

徐國彬

荆江之有萬城堤爲江陵及下游數州縣之保障關繫至爲重  
要第河流之遷徙靡定洲灘之淤塞無常向之險者今化而爲  
夷向之夷者今變而爲險僅就固有之堤一律增高培厚非策  
之善者也治斯堤者所當權利害之重輕相水勢之緩急因時  
因地以制宜也民國元年予奉鄂督命總理萬城堤事熟察大



堤情形與夫江流緩急之處而知該堤之修築不可拘成見以相繩也查萬城李家埠江神廟金果寺拖茅埠五局地段堤外沙洲擁護堤脚鞏固就原有者逐漸加增高厚即可相持於不做至沙市登南馬家寨郝穴四局外河內潭堤身極爲險要而激流洗刷堤脚空虛日以崩陔非相度地勢修築砌石坦坡與條石砌岸不足以資抵禦而策安全沙鎮爲通商巨埠堤身濱江尤爲最要二郎門一帶激湍迴旋實可驚駭前十餘年沙市紳商向郡守稟請建修砌石坦坡與條石砌岸而卒未果壬子歲予奉命來荆創設堤工總局于沙市紳商等復堅請于予以

### 萬城隄防輯要

#### 卷下

藝文雜誌

八

建修砌岸爲前提予以責任所在不能推諉因順大衆之前先後向民政府暨商會挪借鉅款于壬子冬月鳩工癸丑八月告成斯役也監察督率皆員紳等之勤勞而沙鎮紳商勸募錫石多歸功于予以是直所謂貪衆人之功以爲己有撫衷自問能勿汗顏爰綴數語誌是役之本末以爲紀念云

#### 加修七里廟砌岸碑文

齊詠蘋

民國元年黃陂徐公文陔來荆總理萬城隄工視事伊始閱視全隄審知沙市登南馬家寨郝穴四局向恃石工抵禦水勢最爲重要因分別最險次險於二三年修築沙市二郎門刻大



人巷及馬家寨湖家等處石工其餘則量年入土費薄者厚之  
窪者填之卑者崇之杜漸防微以是四年地方無纖芥之患嗣  
因沙市七里廟一帶隄面險薄當對岸洪水之衝前太守屢議  
培修未果爰於四年春提議加修以防未然惟民居鱗次有碍  
興作且繁衍衝要稱爲寸金之區不惟無地可遷並於商業民  
生頗多滯碍公與協理張君海丞籌計再四協理深維大計提  
議加修礮岸則民無重擾雖工費較巨要當勉爲其難因於四  
年投碎石二百餘艇以固隄基再推廣礮岸三層則隄面寬綽  
可維永久乃始基甫定夏漲突生輟工數月是冬始繼續興修

萬城隄防輯要

卷下

藝文雜誌

九

至五年五月凡八閱月而工竣計增礮岸長五十二丈寬二丈  
餘高二丈並於臨江推出階石二處各四十八級以便商船各  
負之上下共費錢一萬五千有奇里人旣慶磐石之安又樂交  
通之便邀同合鎮勒石紀事問序於蘋蘋謂一隅有失全鎮固  
首受其害然咫尺不堅千里爲壑下游數縣均將淹沒於魚鼈  
之窟此實關數十萬生靈數千萬財產之存亡是數縣固隱受  
徐公之覆載所宜買絲繡之者歌功頌德豈徒在沙市一區哉  
又有嘸夫世之奉公者幸獲一差不權事之輕重惟計羅掘幾  
何刻減幾何侵蝕幾何一切應爲應盡之務悉敷衍塞責其



巧爲鋪張欺飾上官耳目此通病也新學肇興力矯者又或負性太急任事太銳雷厲風行不可嚮邇於下民之委曲顛連曾不爲設身處地計圖兩全怨者聽之詈者聽之泣者亦聽之而顧津津自詡曰吾盡吾職也上峰弗察亦或稱之曰某能吏某幹材而不知民生之瘡痍固已鉅矣嗚乎由前之弊則失之貪玩由後之弊則失之操切至合二弊爲一人尤爲下之下者古今來良法美政不能利民而反以病民者皆奉行不善之咎也如公之急公愛民人溺已溺細心深體同好同惡者有幾人哉是則斯碑之作爲全鎮之紀念也可爲隄防之模範也可卽爲

萬城隄防輯要

卷下

藝文雜誌

十

凡爲政者之準繩亦無不可至公之操守廉潔綜覈切實余於二郎門徐公碑文言之詳矣茲不贅述執事者爲甘君澍之韓君仲良汪君承之莊君仲青賀君效先何君芝軒皆能以徐公之心爲心潔已勤公故能克歲乃事夫徐公任諸君而用以伸諸君附徐公而名益顯德星滙萃聚於一時是誠地方之幸福矣余喜事之成欽佩徐公之績因掇述之以誌不忘且以風世云

六月六日祭江神文

黃廷樞

惟神西川著績南紀紆尊淳蓄萬彙福佑羣生鎮茲天塹固我隄塍循源赴壑浪靜波平宣防捍衛靈爽式憑歲修祀事



禱告維殷

祭沮漳神文

惟神流景荆渚望重楚邦朝宗於海輪貫於江茲逢伏沈有  
事宜防冀邀神貺虔薦馨香神其格思福佑江鄉長隄鞏  
固黍稷豐穰

安瀾祭江神文

惟神百谷之王四瀆之尊導源岷嶺順流海濱奠安南國保  
障隄塍狂瀾不作安堵無驚禮隆報賽用告秋成式昭明德  
鑒此苾芬

萬城隄防輯要

卷下

藝文雜誌

十一

祭沮漳神文

惟神雙流吐納二水靈長同條共貫輪委沱江既恬驚浪遂  
鞏隄防福佑林總禾稼豐穰思維神貺報以烝嘗惠我黎元  
保障無疆

甲寅三屆安瀾題此聯以誌慶

鄧裕聰子燹

二百里綿亘金堤一望增高培厚伊誰之力歟僉云東海人家  
作鎮中流逝水悠然赴東海

數萬縉經營砥柱幾番化險為夷民不能忘也惟盼西川神在  
奠安鄰省狂瀾從此挽西川



民國乙卯年四慶安瀾適子年五十因書此聯于江神廟以

為紀念

徐國彬

四載慶安瀾力瘁金堤差告慰荊州父老

五旬慚知命心盟白水幸不愧屋漏鬼神

工次追和倪豹岑先生磯夫曲原韻

龔耕廬原名寶瓊

長江西折捍沮漳不止沱江一面當二百里中生聚託捫心何

策答宣防

吸將膏血竟年年墨吏何曾費一錢銷册造成官事了豈知落

紙盡雲煙清未郡守玩視要工貪憚為應任罕見而工於彌縫大吏反獎推之

萬城隄防輯要

卷下

藝文雜誌

三

度支秋晚豫綢繆緩急端詳上下游最是愁心先著處頂衝急

溜浩難收

海册倪舒略可稽兩賢差信大名齊誠求弭患機先燭不待王

尊誓塞堤

伏處江干邵一窠補直留意缺痕多熟諳故事吾能說亟遣經

營雨後磯

石磯漲沒了無驚舂鋪毫釐辨析清祇有推誠能馭物土功荒

度是平成舊立石誌驗水沒則防務吃緊然工程要在平時結實臨事張皇無益也

亂流通處暗潮生買石量磚貼砌平莫怨江脣相嚙苦須知風



汲本無情

驟洲三議澈中邊異論紛陳敢自先北弱南強形勢在試權水

利與棧田灘淤築圩與水爭利江患益烈則私堤在所必毀願邦人平情論之

傳籤急足勝郵筒警報還增漏夜工知否綿長鞭莫及請添邏

卒更巡風堤身坍塌之處風浪捲及堤面如拖茅一掃應特別注意

堤甲成規指管供末流弊實一朝封法當輕變談何易他日難

招石戶震堤老圩甲居近害切練習堤情但私未流之弊實得衆擎之力偏徇者妄擬裁盡非策也

萬絲參差古渡頭甘棠遺愛里人謳願從賡續勤培護蔭徧垂

楊北岸洲倪公於堤外植楊柳能護堤根今猶存一二

萬城隄防輯要

卷下

藝文雜誌

十三

吉戊新占土旺辰無勞犀鑄慄丹宸陽侯亦慰祈年意弭節安  
流信有神

南岸灘淤違章興築不得已毀之

龔耕廬

豫愁鄰壑浪心驚逼處年年澤鴈聲畚鍤祇今興未艾暑寒終  
古怨難平三章有約言猶在兩害相權法取輕溝洫不傳神禹  
意有誰疏鑿問蒼生

民國三年馬局經理員胡君建周適以詩見貽因率成俚句

十二首以答之非敢言詩不過以鄙陋口占藉紀三年事

實云爾

徐國彬



荆沙任職已三年奔走長堤路幾千慚愧修防無善策素餐虛耗萬家錢

長堤一綫似垂虹百萬生靈保障中咫尺不堅千里壑全憑人力挽天工

穴口支流湮塞多險夷今昔不同科權衡緩急分輕重修築端宜砌石坡均宜修築石工以資抵禦

測勘兩岸已成書私挽洲灘獎剔除部案森嚴頒訓令江公石監永藏儲測勘全案及部准禁案均由民政府分飭各縣存查

工程險要數沙津砥柱經營兩萬縉碑誌倪舒欽不朽前清倪舒二守

### 萬城隄防輯要

### 卷下

藝文雜誌

十四

各修砌岸數百丈沙市紳商為之建碑以誌不忘論功終覺媿前人

沙灘南壅北泓深崩矧時聞碎我心最險下游登馬郝年年糜

費萬千金登南馬家寨郝穴三局堤段水泓最深日形崩矧每歲以毛碎石拋護堤脚費錢一萬數千串文

沿堤夫匠最刁頑減料偷工技素嫻三令五申仍不改而今始信督工艱

江流漲落總關情簽遞循環上下行報道一聲潮汎發梭巡不憚夜三更盛漲時傳遞夜簽應督同員紳生警往返梭巡通宵不遑假寐

綢繆未雨法周詳督撫輪年慎駐防前清督撫應輪營伍堤圩年駐大堤防汎營伍堤圩

巡守密率由難復舊時章前清防汎有堤防營堤老圩甲共五百餘人改革後一律裁撤勢難復



善後條陳為改良關心賦命重修防連番獻策皆褒答成案遵

循十二章兩次擬定改良善後辦法各八條創辦堤警簡章十  
條規定大堤章程九章五十條先後共十二章均經

公署核  
准立案

辭差再四愿難酬文電交馳競挽留自憾駑駘非遠到敢因戀

棧重貽羞

大堤三度慶安瀾酬賽江神父老歡但愿後來續辦者宣防莫

作等閑看

和胡建周七律一首

長虹綿亘大江邊億萬田廬賴保全土費催收關賦命歲修層

萬城隄防輯要

卷下

藝文雜誌

五

累耗金錢法良爭頌倪舒志創鉅難忘戊己年供職荆沙逾兩

載總期積弊剔從前

贈水警徐藍田七律二首

水警三專署二年移節荆州時彬  
供職大堤同居沙鎮凡堤局修防

事務有權力所不能及者靡不借助警威而每屆出巡  
與藍田偕行止焉過從既密切劇尤多契合之深逾於昆

仲偶綴數語用誌相  
得之歡非敢言詩云

徐國彬

宦游同是駐荆沙草草勞人歲月餘字句推敲詩筆健兼葭泗

溯畫船斜言親蘭臭逾三載誼篤棠華本一家萬里江天資勝

寬安瀾歌徹水之涯

常華恩誼勝同盟序齒年衰愧伯兄入座幸猶叨鯉對着鞭還



要戒鷄鳴須知盤錯方成器莫爲懷安竟敗名九萬鵬程期遠到聲威豈止播南荆

水警徐藍田和董序

民國二年瑞移防沙市凡水警駐紮地點多係沿江大堤故修防事宜惟瑞知之最悉而訂交三載亦惟瑞與彬兄爲最深承贈七律二章獎掖殷勤更加銘感謹和元韻兼呈四絕摭詞表懷尙

乞誨

徐國瑞

荆江逶迤護平沙市井殷繁極目餘玉樹亭亭資庇蔭金堤屹屹勢橫斜南洲遠派承先澤東海分支溯世家同姓同寅舊兄弟不須咫尺悵天涯

耿耿初心白水盟况教樂得有賢兄安瀾久聽郵庚報屬汎欣

萬城隄防輯要

卷下

藝文雜誌

七

無越甲鳴驥尾執鞭原素志螭頭勒石著芳名同僚且喜同宗派竊比田家一樹荆

七絕四首

徐國瑞 藍田

昔年曾讀隄工志每念吾鄉鄭毅夫

宋鄭獬守荆請發帑築沙市堤

城北有人

今繼起齊名不患後來無

恩波遠被三春浪宦味清餘兩袖風贏得兒童語音好舒公而

後有徐公

昔守太守建石岸四百餘丈人德之名舒公堤今公亦建石岸二百五十餘丈洵可與舒公媲美

天從缺處功能補瀾到狂時力可回公與斯隄同不朽萬城萬

古鎮江隈



一綫長隄萬頃田沿江修築厚而堅採風喜听途人語共慶安  
瀾已數年

五年三月赴萬城李家埠江神廟三分局清工途中口占七  
律一首  
徐國彬

風和日暖百花飛三月韶光愛夕暉繞屋青連春樹簇平疇綠  
擁豆苗肥麓氓叱犢扶犁去婦女騎驢掃墓歸萬頃田廬誰保  
障鄉民作息自忘機

連日狂風大作夜半雷雨交至因口占七絕一首以誌感

連朝風勢竟狂摧沙礫飛揚拂面來賴有中途雷雨作天公為

萬城隄之輯要

卷下

藝文雜誌

十七

我洗塵埃

翌日天氣晴和途中賦此

陌路無塵水不波雨餘天氣倍清和役夫努力勤工作層土經

營亟築破

懷古七律四首

由萬李江三局清工回沙途中詠此緣章華寺叔敖墓沙市荊州均在大堤之內大堤鞏

固斯名勝得以保存故有感而作

徐國彬

章華寺

巍巍廟貌闢蒿萊荆楚雄圖霸業開閣尙藏經觀自在

寺內有藏經閣

佛能化劫現如來遺蹤競覓沈香井

寺東有沈香井相傳故址楚昭王夫人溺死處故址



空尋眺遠臺古木殘鴉寒照裏警人暮鼓不妨催

叔敖墓

數株老柏影紛披碑碣千秋楚相遺河繞陵前波蕩漾山橫道  
左草迷離埋蛇陰隲慈顏慰逐鹿奇才霸業垂豔說來公重表  
墓靈魂曠代有心知傳聞此墓係來  
鳴謙觀察重修

沙市鎮

萬家亭閣枕沙洲第一商場踞上游土堞依稀門北峙金堤保  
障水東流西通巴蜀經宜郡南達衡湘接澧州輪舶往來車輻  
輳文星高眺步岑樓

萬城隍防輯要

卷下

藝文雜誌

十八

荊州城

崇墉屹屹古荊州萬井提封一望收祠宇荒涼空蔓薜樓台岑  
寂半松楸龍山勝覽遊人聚城外有龍山即  
孟嘉落帽處虎渡關心激溜迥  
對岸有虎渡日  
激流直射荊州世事滄桑多變幻孤忠壯穆獨千秋

五年舊曆六月六日江水盛漲感而賦此

萬里奔濤下三峽狂瀾駭目膽崩摧與人不識隄防險戲看江  
潮逐隊來

送段少滄巡按使作

少滄巡按撫鄂兩年於萬城堤最為  
注意彬受知亦最深故一切修防事

務得以積極進行臨政送別倍切瞻依偶  
成七律二章用誌永矢弗諼之意云爾

徐國彬



福星照耀武昌臨善教軍敷愜衆心葑菲也曾資採擇彬爲隄防事迭

上條陳悉蒙褒答壤流何以助高深萬家生佛歌遺愛雨袖清風返故

林知遇恩隆慚報稱詩箋一幅寫微忱

節麾卸却繫征驂送別情深千尺潭望重范韓欽砥峙澤流荆

楚頌棠甘荆堤得慶安瀾實攀轅迎餞筵爭肆解組還山徑覓

蕭縣多山公于西關外建築園亭灌溉花木並于三虎山種樹數千株大有陶靖節怡懷松菊之概于蓴菜鱸魚

鄉味好麥秋風雨返江南

題萬城隍防輯要七律

鄧裕聰

岷江出峽注荊州衝浪影沙日夜流一髮隄防堯萬井千人邪

萬城隍防輯要

卷下

藝文雜誌

十九

許登三收近年陪隄改二五收奠居今賴廻瀾力興堵長勞畫

籌籌老壩危磯都鞏固歡聲百里動歌謳

督修支帑溯阿公百載遷流迹不同乾隆年間阿文成公督修萬城隍距今已百餘年矣

江墊淤高隄受挫狀洄激久壑愁空多儲榘石施工巧休侈蘆

灰止水功舊蹟能因終是掀波臣卻步自徂東

版築年年預斂錢堪盟白水誓青天瀾安五度徵成績舊章每年霜降

翻祀江神謂之慶安瀾公總理隄工已慶安瀾五次土費羣氓定急捐砥柱中流人有幾

填星作鎮語非偏舒公隄尚傳碑口東海聲名繼昔賢

提要鉤元仔細論殷殷告後數千言也同一卷河渠志且認他



年泥雪痕神赫沮漳漆掌故測量坡澤證心源公曾測量江心隄址沿江二百

里田廬皆在釜底潛郎托庇安眠食快把叢編相對翻較江心低丈餘

鄭世燄

世運新開進大同江波順軌慶成功一編纂集紆籌策五載勤

勞慎始終郢里瀾安平怒蜃金堤風靜蠹長虹倪舒舊蹟因兼

擬錦軸摩挲識苦衷

脂膏剝盡縱蛟鼉百萬金錢委逝波太息遺規今蕩覆有易舍

以充私業者變後冊籍蕩然矣關心善政古修和淵襟默運消紛競羣策兼資

泯側頗卓識深憂勲底績萬言編訂恐蹉跎

萬城隄防輯要

卷下

藝文雜誌

二十

經綸草昧煥新型舊典旁搜祕啓局巨石嵯峨留炯鑒禁止兩岸挽築

扁舟來往辨真形測勘必親行神姦象著周王鼎荒誕圖刊伯翳經

補圖尤得樞要禦患捍苗誰繼起開函芒欲燭天青

斗室欣逢肺腑傾虛懷近挹寵如驚細流廣納中無擇前事能

師志戒盈精衛石填多易壅海船傾煤者日淺賈生策善怒能平仇

十三口漚塞大半乘時利導他年績宛委篇應取次成

吳庭溶

荆南自古重宣防千里奔濤一綫當五載束薪肝鬲碎萬民安

堵口碑揚岷江東下灘無阻砥柱中流浪不狂我輩集居資保



障城池鞏固頌金湯

熙載得人原匪易大川莫定莫爭功古歎誰設陳蕃榻宦味饒  
留張翰風六法官箴廉報最千秋美德儉能崇若堤指點垂楊  
岸不減先賢治績豐

陶冶一爐良鐵別似君重器火純青大江東去流波澤善道南  
來見典型江漢炳靈才蔚起邯鄲學步我曾經洛陽魏工泥塗  
况瘁躬嘗通勒作他年治水銘

雖黃局外究何如治戒多言總不虛柱石經營分緩急里閭恩  
怨聽乘除編成地理廣隋志著到河渠仿漢書條議分明金鑑

萬城隄防輯要

卷

卷

三

在後先司考有



題萬城隍防輯要七古

張雯煥

長江蜿蜒二百里縣民所居盡釜底賴有隄防一面當不然吾  
其爲魚矣閭閻歲歲糜金錢括盡脂膏不計年假使胥吏不中  
飽築之高可齊山巔前清修隄責郡守嚴刑峻法隨其後除却  
倪舒二公外歷任均不理人口任內忙把負租催任滿却將挾  
資走吾民有冤莫能伸祇得疚心而疾首徐公捧檄來宣防儘  
把隄工大改良五載經營始至此險阻艱難實備嘗當其工程  
始着手萬彙紛紜頗掣肘先生不擾又不屈作事不肯絲毫苟  
苦心孤詣告成功一洗前清多年誦從此金隄萬萬年屹立天  
長與地久吁嗟乎屹立天長與地久先生之名永不朽

萬城隍防輯要

卷下

藝文雜誌

三



書萬城隄防輯要後

龔耕廬

在昔郡伯尸荆隄處脂不潤賢者稀僚吏侵牟皆怙威雖有弊  
實無由稽隄則日瘦官斯肥一朝改革崇民依選賢爲長餘爲  
司不啻一堂相友師二百里間日奔馳規度形勢察險夷緩急  
一一勞措施若網在綱栢赴機土工石工辨厥微不使廩給剋  
毫釐收分乃得窮奸欺又以其暇富諏諮不蔽於己撓於私經  
費有程孰主之儲俟冬工懲虛糜萬目睽睽責有歸計數不贏  
亦不虧大本旣立安能隳此皆專制之世所難爲豈惟吾隄奠  
肩基著之簡編爲世規鐵案如山誓不移誰其始者徐黃陂我  
萬城隄防輯要

卷下

藝文雜誌

三

勸後來陳此詩



參訂姓氏

應山徐國瑞藍田

監利龔寶琅耕廬

江陵鄧裕聰子彝

江陵張雯煥海岑

蕭山韓毓蔭仲良

長沙甘霖澗之

浙江韓志遂荷蓀

江陵鄧振雍橋門

萬城隄防輯要

卷下

